

T3133/3314.81(13)

以垂千古本不有可其土可知

永平府志卷之二十三

哈佛大學哈佛燕京
圖書館珍藏印

萊陽宋

琬撰次

府學訓導徐

香叅訂

蕭山張朝琮續纂

盧龍教諭胡仁濟校輯

藝文下

登高作賦攬勝題詩備紀山川追蹤風雅地恒因人
重人不因地傳故滕王黃鶴之乎樓閣耳得勃顛
句遂爾永傳世之攀巍陟峻唐突山靈者多矣極其
磨崖刻竹不知幾泯滅于苔蘚風雨間而剩水頑山
乃經芳躅一遊一詠以垂千古本不存乎其地可知

已矧陳蹟已灰名言不朽青山依舊斷碣徒新今昔
盛衰足感地接漁陽聲多塞曲若能已于無聞乎

賦

弔夷齊賦

明王世貞

盧龍故孤竹也城西有伯夷叔齊祠吳人王世貞
奉使過此酌水酹焉而爲之辭

日子奉輶以東逝兮策馬放乎令支山巒岈而鬼壘兮衆
草贖萑而條綿俞兒道余於卑耳兮武夫磷磷其叅差曰
青帝之握樞兮顛改煦沈寥而惜悽元宮承雲而黓霽兮

僉告余二子之所都羌回慮以返照兮渙忍踏靡而內疑
足次且欲卻兮又雀躍而前趨段含光劇余之素兮撓清
冷使濯余之歲巢招沆瀣以醞醴兮爨朝霞以爲餽餽噓
元冥之竅機兮噫噫拊歌之曠愴受哀絃於太娥兮涓延
和之以清商靈蕭蕭而若覩兮奠回燿燭乎微躬又悄恍
其不可卽兮掌夢疏帝以奚從眺孤竹之亶曼兮台要靈
以故祊生剽舉而脫屣兮寧鬱鬱處彼幽方溟波委輸濺
貉兮箕蒙難而延宗靈庶借以翱遊兮語侏離而不可通
北海泱泱靈所辟兮受淳涵使不得寧將岐豐沃以愉兮

靈又薄周德而莫宮諸毗綿延具區兮太虞夷猶於其旁
羗德配而耦娛兮靈謂狎附乎周盟陂陀首陽忽崑崙兮
益薇以荃之芬芳靈閭闔而下臨兮將綬駕以憇息掌夢
申申以表誠兮豐隆臯而來假霓車殷殷以翩續兮皎雙
鴻之次翼匪寶璐而陸離兮舍離芷以彌馥介九賓而見
予兮祝史要予以靡忒伯從父以成命兮叔違親以成德
俶舍君以明志兮旣殉主以明極昔巢許之讓皇兮托勲
華而稍佚尹五就而拯塗兮愀然而故主以惶悒謂題跂
以死名兮莊任誕而廢節遷嘒嘒於驥尾兮嗜微聲之有
托彼纍修辭而求白兮卒牢怪沈乎湘澤繹鄒人之無怨
兮迺從容於天則世滔滔而志涌兮戰伐莽其相仍顧蒿
目以揆撫兮競含沙而蠱光騶虞草以伏食兮於菟誇咀
夫衡主陽籛之齧織鱗兮偃蜓神龍以自矜靈旣悼農虞
之忽沒兮氓躑躅而殷慕愧突梯之苟容兮將捐足乎靈
御胡司命之不晰微兮抑舖糟以昏鶩盼媼娥之要渺兮
捐濁軀而不及顧

辭

古碣石辭

古碣石者本禹貢冀州之域蓋今東南海運自海
而北達漳河實出乎此予喜其上符唐虞之舊制
也勒之以辭

惟聖建國實曰冀都北極之運萬邦作孚宮廷彤赫時彼
中居士女和會溢鄗塞鄂江橋白粲淮耜黃淤聿官有漕
竟海其鱸偉哉碣石枕我海隅表此水道長爲委輸上蟠
乾輿下結坤區割流猷養披秀醫閭三月播盪星辰盤孟

惟神罔象鼉鱓龍魚颿扶纜守翼奮鱗驅悉輦國用來通
帝家自國有貢或河而渠或砥斯鑿或絕或踰爾絲紈帛
金寶象珠搜毫竭縷滿罔壓車矧茲米粟誠係藏儲得一
圭祚懸萬命軀漢季轉輓唐厄征需於穆我后仰唐承虞
按之圖籍實以德符普天率土瞻戴罔渝偉哉碣石厥狀
屹如若柱斯植若用斯塗溟漲如席濁渾以趨削嶢勒辭
永代是模

詩

碣石篇

魏武帝

雲行雨步超越九江之臯臨觀異同心意懷猶豫
不知當復何從經過至我碣石心惆悵我東海
東臨碣石以觀滄海水何澹澹山島竦峙樹木叢生百草
豐茂秋風蕭瑟洪波湧起日月之行若出其中星漢燦爛
若出其裏幸甚至哉歌以詠志

孟冬十月北風徘徊天氣肅清繁霜霏霏鷓鴣晨鳴鴻鴈
南飛鷺鳥潛藏熊羆窟栖錢罇停置農收積塲逆旅整設

以通賈商幸甚至哉歌以詠志

鄉土不同河朔隆寒流澌浮漂舟船行難雖不入地豐籟
深奧水竭不流水堅可蹈士隱者貧勇俠輕非心常歎怨
戚戚多悲幸甚至哉歌以詠志

神龜雖壽猶有竟時騰蛇乘霧終為土灰老驥伏櫪志在
千里烈士暮年壯心不已盈縮之期不但在天養怡之福
可得永年幸甚至哉歌以詠志

觀滄海

六神諸山淪漣大壑北風勃來簸蕩不息帝命巨鰲更負
危揭冠簪東出以為碣石燭龍雙眸以為日月下苞蒼蒼
浩蕩靡極幸甚至哉歌以詠志

屠柳城

繆襲

屠柳城功難成越度隴寒路漫漫北踰平岡但聞悲風正
酸蹋頓授首遂登白狼山神武懾海外永無北顧患

望首陽

晉阮籍

步出上東門北望首陽岑下有採薇士上有嘉樹林

望海

隋煬帝

碧海雖欣矚金臺空有聞遠水翻如岸遙山倒似雲斷濤

還共合連浪或時分馴鷗舊可狎卉木足爲群方知小姑射誰復語臨汾

奉和望海

虞茂

清蹕臨溟漲巨海望滔滔十洲雲霧遠三山波浪高長瀾疑浴日連島類奔瀉神遊藐姑射睿藻冠風騷徒然雖觀海何以効涓毫

於北平作

唐太宗

翠野駐戎軒盧龍轉征旆遙山麗如綺長流縈似帶海氣百重樓岩松千丈蓋茲焉可遊賞何必襄城外

春日望海

披襟眺滄海憑軾翫春芳積流橫地軸疏派引天潢仙氣凝三嶺和風扇八荒拂潮雲布色穿浪日舒光照岸花分彩迷雲鴈斷行懷卑運深廣持滿守靈長有形非易測無源詎可量洪濤經變野翠島屢成桑之采思漢帝碣石想秦皇霓裳非本意端拱且圖王

奉和春日望海

唐楊師道

春山臨渤海征旅輟晨裝迥瞰盧龍塞斜瞻肅慎鄉洪波迴地軸孤嶼映雲光落日驚濤上浮天駭浪長仙臺隱螭

駕水府泛鼉梁碣石朝煙滅之采歸鴈翔北巡非漢后東
幸異秦皇舉旗羽林客拔距少年塲龍擊驅遼水鵬飛出
帶方將舉青丘檄安訪白霓裳

觀海

唐 獨孤及

北登渤海島回首秦東門誰尸造物功鑿此天地源瀕洞
吞百谷周流無四垠朗然混茫際望見天地根白日自中
吐扶桑如可捫迢迢蓬萊峰想像金臺存秦帝曾經此登
臨異飛翻揚旌百神會望日羣仙奔徐福竟何成羨門徒
空言惟見石橋足千里潮水痕

送鄭少府入遼共賦俠客遠從戎

初唐 駱賓王

邊烽警榆塞俠客度桑乾柳葉開銀鏑桃花照玉鞍滿月
臨弓影連星入劍端不學燕丹客空歌易水寒

送著作佐郎崔融等從梁王東征

初唐 陳子昂

金天方肅殺白露始專征王師非樂戰之子慎佳兵海氣
侵南部邊風掃北平莫賣盧龍塞歸邀麟閣名

前題

初唐 杜審言

君王行出將書記遠從征祖帳連河關軍麾動洛城旌旗
朝朔氣笳吹夜邊聲坐覺烟塵掃秋風古北平

古游俠呈軍中諸將

盛唐 崔顥

少年負膽氣好勇復知機
仗劍出門去孤城逢合圍
殺人遼水上走馬漁陽歸
錯落金鎖甲蒙茸貂鼠衣
還家行且獵矢去速如飛
地迴鷹犬疾草深狐兔肥
腰間帶兩綬轉盼生光輝
顧謂今日戰何如隨建威

遼西作

燕郊芳歲晚殘雪凍邊城
四月青草合遼陽春水生
人正牧馬漢將日徵兵
露重寶刀濕沙虛金鼓鳴
寒衣著已盡春服與誰成
寄語洛陽使爲傳邊塞情

燕歌行

盛唐 高適

開元三十六年客有從元戎出塞而還者作燕歌行以示適感征戍之事因而和焉

漢家烟塵在東北漢將辭家破殘賊
男兒本自重橫行天子非常賜顏色
撻金伐鼓下榆關旌旆逶迤碣石間
校尉羽書飛瀚海單于獵火照狼山
山川蕭條極邊土騎憑陵雜風雨
戰士軍前半死生美人帳下猶歌舞
大漢窮秋塞草腓孤城落日鬪兵稀
身當恩遇常輕敵力盡關山未解圍
鐵衣遠戍辛勤久玉筋應啼別離後
少婦城南欲斷

腸征人薊北空回首邊庭飄飄那可度絕域蒼茫無所有
殺氣三時作陣雲寒聲一夜傳刁斗相看白刃血紛紛死
節從來豈顧勳君不見沙場征戰苦至今猶憶李將軍

塞上

東出盧龍塞浩然客思孤亭堠列萬里漢兵猶避邊塵
滿北溟 騎正南驅轉鬪豈長策和親非遠圖惟昔李將
軍按節臨此都總戎掃大漠一戰擒單于常懷感激心願
效縱橫謨倚劔欲誰語關河空鬱紆

別馮判官

碣石遼西地漁陽薊北天關山唯一道雨雪盡三邊才子
方為客將軍正渴賢遙知幕府下書記日翩翩

出自薊北門

唐李希仲

旄頭有精芒 騎獵秋草羽檄南度河邊庭用兵早漢家
愛征戰宿將今已老辛苦羽林兒從我榆關道

題虛池驛屏風

唐宜芬公主

女史公主本豆盧氏女有才色天寶四載奚霫無
主安祿山請立其質子而以公主配之上遣中使
護送至虛池驛公主悲憤作詩題屏風云云
至番其國立君矣質子見殺公主亦遇害

出嫁辭鄉國由來此別難聖恩愁遠道行路泣相看沙塞

容顏盡邊隅粉黛殘妾心何處斷他日望長安

郭造卿曰宜芬公主題虛池驛屏風女史與唐書不同北狄列傳以宗室所出女慕容為燕郡公主妻契丹鬱于鬱于死弟土于嗣攜公主來奔豆盧雖出于慕容而燕郡則非宜芬也奚王延寵降復拜饒樂都督懷信王以宗室出女楊為宜芬公主妻之延寵殺公主復叛是宜芬非氏豆盧延寵殺公主以叛非質子見殺而害及公主也蓋公主遇害可傷而女史未詳其實矣

出自薊北門行

盛唐李白

陣橫北荒 星耀精芒羽書速驚電烽火晝連光虎竹

救邊急戎車森已行明主不安席按劍心飛揚推轂出猛

將連旗登戰場兵威衝絕幕殺氣凌穹蒼列兵赤山下開

營紫塞傍孟冬風沙緊旌旗颯彫傷畫角悲海月征衣卷

天霜揮刃斬樓蘭彎弓射賢王單于一平蕩種落自奔亡

收功報天子行歌歸咸陽

地志集略平州在赤山之東

後出塞 五首之一

盛唐杜甫

獻凱日繼踵兩蕃靜無虞漁陽豪俠地擊鼓吹笙竽雲帆

轉遼海粳稻來東吳越羅與楚練照耀輿臺軀主將位益

崇氣驕凌上都邊人不敢議議者死路衢

贈裴將軍旻時守北平

唐顏真卿

大君制六合猛將清九垓戰馬若龍虎騰陵何壯哉將軍

永平府志 卷之二十三
臨八荒烜赫耀英材劍舞若游電隨風縈且迴登高望天
山白雲正崔嵬入陣破驕威名雄震雷一射百馬倒再
射萬夫開匈奴不敢敵相呼歸去來功成報天子可以畫
麟臺

同孫構免官後登薊樓

盛唐 張 謂

昔在五陵時年少心亦壯嘗驚有奇骨必是封侯相東走
到營州投身事邊將一朝去鄉國十載履亭障部曲皆武
夫功成不相讓猶喜塵動更取林帳去年大將軍忽
負樂生謗北別傷士卒南遷死炎瘴落悲無成行登薊
丘上長安三千里日夕西南望寒沙榆塞沒秋水灤河漲
策馬從此辭雲山保閑放

邊庭怨

四首
之二

盛唐 盧 弼

春衣昨夜到榆關故國烟花想已殘小婦不知歸未得朝
朝應上望夫山

盧龍塞外草初肥燕乳平燕曉不飛鄉國近來音信斷至
今猶自著寒衣

盧龍塞行送韋掌記

中唐 錢 起

雨雪紛紛黑山外行人共指盧龍塞萬里飛沙咽鼓鞞三

軍殺氣凝旌旆陳琳書記本翩翩料敵張兵奪酒泉聖主
好文兼好武封侯莫比漢皇年

送李中丞歸本道

中唐 皇甫曾

上將宜分閫雙旌復去秦關河三晉路賓從五原人碣石
山通海滌池雪度春酬恩看玉劍何處有烟塵

塞下曲

中唐 戎昱

北風凋白草 馬日駸駸夜後戍樓月秋來邊將心鐵衣
霜雪重戰馬歲年深自有盧龍塞烟塵飛至今

傷溫德彝

晚唐 溫庭筠

昔年戎 犯榆關一破龍城匹馬還侯印不聞封李廣他
人丘壠似天山

首陽山

唐 胡曾

孤竹夷齊恥戰爭望塵遮道請休兵首陽山倒爲平地應
始無人說姓名

送友人出塞

薛能

榆關不可到何况出榆關春草臨岐斷邊樓帶日閑人歸
穹帳外馬發廢營間此地秋堪想霜前作意還

題夷齊廟

宋 司馬光

夷齊雙骨已成塵，獨有清名日日新。
餓死溝中人不識，可憐今古幾多人。

詠史懷夷齊

宋王十朋

避紂窮途北海濱，歸來端爲有仁人。
武王不聽車前諫，餓死西山志亦伸。

題道者山

元宋綱

茲山介平營，時與太古存。
碣石拱其側，水巖何足論。
東北醫無間，羅列爲弟昆。

灤河吟

元宋本

灤河上游隘涓涓，僅如帶偏嶺下橫。
渡復遶行都外，頗聞會衆潦旣遠。
勢滂沛雖爲禹貢遺，獨與東海會。
乃知能自致天壤，無廣大。

首陽望雪

元陳賡

天風吹瓊瑤，白冑首陽頂。
欲知採薇歌，千山凍雲冷。

前題

元段成己

薇歌一曲對青山，萬古千秋老翠巒。
望斷空崑人不見，光搖銀海玉峯寒。

采薇圖

元盧摯

服藥求長生孰與采薇子一食西山薇萬古猶不死

喜逢口

許有壬

俗爲父求子而逢之于此猶望夫之有石也雖莫究其年代名氏而其言有足感人者故作是以記之

兒寒解衣重撫摩兒飲與食孰忍訶長城與國遠負戈一去不返當如何去時云戍東北鄙直出榆關度遼水白頭郎罷與影俱豈憚山川千萬里天教此地適相逢父曰從天墜吾子笑疲樂極俱殞身誰謂情鍾遽如此官家開邊方未已同生又別寧同死山雲漠漠風颼颼山頭雙塚知幾秋當時不忍一朝別今日翻爲千古愁猶勝貞女化爲石終古孤身雙不得清江寒影日悠悠行人一去無消息

碣石篇

明按察副使李攀龍濟南人

碣石中怒滄海北倚元氣吐飲若偃若起長風相薄跳波千里懸流冒顛天漢外紀地軸高標轂轉白日與齊俱入與泊俱出

涼秋九月塞外草衰白日蕭條北風苦悲邊聲四起胡馬成羣燭火如星列障如雲錢鏰旣置修我戈矛裹糒生甲

惟敵是求

委蛇者河千里一曲方之舟之匪芻伊粟太行詰屈西北
是經車轍馬迹日不遑寧於鑠聖人依其在京差次吏功
郡國以成

羽翼未就鴻鵠徘徊神龍失水螻蟻所裁珠不暗投劍不
倒持能弗用利勿處于疑高才者妬匪但其人逃名避世
以保其身

永平道中

刑部
尚書王世貞
蘇州人

盧龍左馮翊白馬舊安西浴日滄溟小摧天碣石低虎窺
飛將羽龍出慕容題驅傳令支塞問津早耳溪荒祠孤竹
並讓國大名齊引首哀兵鏃沾膺愧馬蹄榆關秋一帶慎
莫動征輦

盧龍暑中偶成

朱簾翠箔過楊花睡起中庭日未斜却似深閨嬌小婦樓
頭癡坐怨天涯

盧龍署中有寄

山城小雨鷓鴣啼楊柳辭寒綠正齊我夢春閨獨不見怕
乘雲雨過遼西

塞上曲送王元美

李攀龍

燕山寒影落高秋北折榆關大海流馬上白雲隨漢使不知何處不堪愁

盧龍道中

進士 谷繼宗

白雪盧龍道青毡使客車日瞻滄海近雲帶碧山斜烽火宵傳警材官曉建牙降王能歛塞歸及報重華

孤竹懷古

戶部尚書 王好問 樂亭人 太子少保

鎬京商邑總蒿萊千載何人弔墨胎啼鳥似傷人世改野花還向故園開荒城隱隱水聲去古殿歸歸山勢來一望

凄然成曠感塵車欲發更徘徊

讀伯夷傳

綱常萬古同天久功利須臾過眼無請看渭水鷹揚者不薄西山二餓夫

謁夷齊廟

御史 韓應庚 盧龍人

清聖非苦節迺見綱常先君父固攸重子臣情堪憐此情不有已奚恤後譽延邈矣採薇事市朝已數遷誰招餓夫魂廟食首陽巔寒松覆碧瓦古殿生黃烟遺像儼生存咫尺手足連拱拜瞻容色恭遜藹周旋盤無周室粟隴有洞

山田粢盛戒清醑伏臘擊肥鮮光爍北海濱歷歷三千年
高風自長久汚世空顛沿所以嗟貪夫身沒名弗傳

前題

經略兵部
尚書 高第 灤人

樹壓荒城古廟幽千年遺像意悠悠採薇高節首陽在孤
竹清風濡水流香火山翁頽伏臘滄桑世代幾商周我來
瞻拜增傷感不爲登臨覽勝遊

清節祠

禮部
尚書 徐瓊

國統人推中子承首陽甘餓有餘清兩迓兄弟葵倫重一
諫君臣大義明殷地旣非薇自老周邦雖有粟無生故墟
古廟昭旌額篡逆相過愧豈勝

九日登清風臺

韓應庚

臺枕灤濤秋氣清冥冥征鴈暮雲橫龍沙斷岸疑無路烏
道通天忽有城廟饗歷朝伏臘火神留千古子臣情首陽
多少登臨者誰步西山第二程

虎頭石

郡守 陳所立 長樂人

寢石於菟未易尋彎弧寧致鏃痕深將軍不必皆猿臂要
使人持射虎心

偏涼汀

御史 湯鶴

亭上晴嵐翠欲流
亭前流水鏡光浮
四簷巒嶂圍屏小
兩岸山家樹木稠
乘興偶來紆遠望
探竒獨上最高樓
醉中更愛溪魚美
合作東巡第一州

前題

郡守 吳傑
江都人

偏涼亭何竒紛紛聚野馬
冰壺一片清六月不知夏天地
若許人勞逸不相假何如均此涼
徧及揮汗者

前題

都御 高擢
灤人

鑿石通周道臨流構短楹
層雲霾嶺翠落日映沙明
野寺山腰迥長江檻外橫
凭闌遙對月萬古有餘清

其二

危閣迴風入崇臺
迤照懸江魚隨意逝
林鳥倦知還垂釣
滄浪水行吟薜荔
篇避喧惟藉此堅卧
可長年

前題

高第

佳麗偏涼景山環水曲流
乾坤開勝地今古侈竒遊
人倚空中閣漁觀岸下舟
沿溪通棹處別有洞天幽

夕陽泛舟

扁舟乘夕照萬頃欲凌之水
映天如動波迴岸自移探竒
常載酒躡險更題詩逸興歸
猶劇江空覺月隨

東水岩寺

吏部尚書王翺灤人
加子太傅

未到仙人頂先登道者山與隨流水遠意共野雲閑鶴唳

空冥外鐘聲疊嶂間追遊賴朋友杯酒話禪關

昌黎石門

工部左侍郎杜謙昌黎人

鰲駕山來碣石間兩厓雄峙作重關地橋水自龍津出仙

館人從鳥道還

圍春莊雜感

僉憲蕭顯山海人

三十年來走宦途乞歸白髮半頭顱依山結屋塵偏淨臨

水觀魚興不孤野老踦蹶尋橡實林僧談笑斷松腴離家

復作還家夢一夜團欒骨肉俱

其二

買斷山莊景最奇也堪臨水靜垂絲畏途自慶歸來早安

枕何妨睡起遲適興聊沽陶令酒感懷頻咏杜陵詩挿頭

柱杖堂前坐繞膝兒孫嬉戲時

雙鴈

成化十二年事今名地

文學倫浹灤人

飛鴻有匹偶飲啄灤水阿但知謀稻粱不解離網羅弋人

獲其雄繫之以為罔哀彼雌也孤悲鳴意無他終日自廻

翔一夕忽來過相呼不肯釋糾頸死沙陀吁嗟彼羽毛處

世曷么麼矯矯著奇節英英挽頽波矧伊毓靈秀貞烈更
如何鶉奔恥無良狐綏志已訛爭如糾首禽一死良足多
維世賴綱常聊賦哀鴻歌鴻名歷千秋大義永不磨

一片石次孫洙濱韻

兵部
尚書翟鵬 撫寧
人

開國資元老中山獨壯猷奇勛歸太史遺像肅荒陬宿露
逃寒戍陰風起暮愁不堪惆悵處悲角咽樓頭

望聯峯山

不踏聯峯麓匆匆二十年山靈猶識否蘭若自依然勿假
移文却終當辟穀還多情林外鶴來往故翩翩

鎮東樓

兵部
主事尚綱 睢州
人

十二危樓百尺長倚天傑構鎮邊疆海山南北環千里城
郭高低匝四旁入座雲籠村樹澗隔簾風遞野花香太平
時節登臨好暴客重門不用防

前題

兵部
主事黃景夔 鄞都
人

城角聲催獨倚闌海門斜月轉雲端清輝近水應先得永
夜中天正好看風露欲流平野濶星河不動夕烽寒早朝
待踏長安路清影疎槐帶馬鞍

前題

兵部
主事陳綰 上虞
人

樓閣晴陰向晚開
海天秋思獨徘徊
寒生絕塞砧聲急
木落荒郊鴈影來
關樹不迷南國望
羽書頻見朔風催
感時忽訝潘郎鬢
作賦還憐王粲才

前題

巡撫

王一鶚

百一金城保障哉
翩翩萬雉拂天來
樓懸日月扶桑近
帳擁春風細柳開
三輔雄圖環睥睨
五雲佳氣接蓬萊
漢家新畫麒麟閣
燕市誰登駿馬臺

前題

總理

臧繼光

登州人

樓前風物接遼西
日暮平關望欲迷
禹貢萬年歸紫極
秦城千里靜雕題
蓬瀛只在滄波外
宮殿遙瞻北斗齊
爲問青牛能復度
願從仙吏換刀圭

烽火寺

徐汝勳

尋芳直上翠微間
梵宇瀟瀟出半山
詩罷酒闌遊客去
白雲依舊伴僧閒

陪唐荆川職方王岸泉監察過關

編修

黃洪憲

浙江人

長城古堞瞰蒼瀛
百二山河擁上京
銀海仙槎來漢使
玉關衰草戍秦兵
星臨尾部雙龍合
月照平沙萬馬鳴
聞道遼陽飛羽急
書生直欲請長纓

秋日建昌有警

徐學古

秋氣何蕭索千山落木空黃霾吹野戍赤羽急山戎碣石
雕戈擁榆關鐵騎雄將軍頻授鉞一戰報重瞳

和前韻

戚繼光

飛羽遼河上移軍灤水東前驅皆大將列陳盡元戎夜出
榆關外朝看朔漠空但期常獻馘不敢望彤弓

大將砲名元戎車名

題臺頭營演武臺松樹

巡關御史傅光宅

細柳環金甲孤高見此松名應留漢將爵不受秦封雲影
來歸鶴風濤起卧龍清霜十月盡蒼翠照千峯

遊俠兒呈同鄉陳叅將郭都閩

營將陳第

江北多俠兒江南兒更俠朝向長安道暮出陰山獵弦動
雕鷹愁旌飛怯十載守雄關威名何震懾不數古人

勛猛樹中興業石畫已垂成謗書忽盈篋去日逢春華歸
來落秋葉涕泣謝知交笑譚散僕妾馬首囊雕弓腰間仗
長鋏仰天嘆旄頭壯志猶未厭矯矯雙龍起定奏燕然捷

贈郭建初

薊州兵備于達真

塞客衣單露始零風高木落水天清鳥啼橫海將軍幕人
識江湖處士星薊史一編存往蹟燕然萬里勒新銘莫愁

旅病無供給波滿寒塘月滿庭

宿喜峯口城樓

王寅

萬里秋風暮華到此分幾年望紫塞今日宿黃雲片月
臨關見孤軍擊柝聞燕歌爭勸酒強飲不成醺

喜峯口觀三衛貢馬

嘉靖己丑會元唐順之 武進人

貢道走東關門控北都每逢金鏡節來獻玉驄駒酋長
花當後山川松漠紆天衣沾蚪鱗國馬出駒駝乞賞孫隨
祖專兵婦代夫珥璫珠錯落襁褓錦毼餽槃舞呈鞬革侏
言譯象胥白狼回左袵黑水作通衢

宿黃厓營

棲棲終日旅邊城夜向黃厓問古營幾家戍鼓漁陽慘聯
騎鏡歌薊北行峽束雨湫高怒水山凹樹竅激秋聲躍馬
壯年微志在不緣此地客心驚

曉發喜峰

客心流水與爭馳寒壘疎星度峽時未返王孫猶草色初
來戍卒是瓜期去鄉祇覺蟬聲似出塞方知馬脊危辛苦
下情何計達早年曾誦采薇詩

三屯鎮城成志喜

戚繼光

三春氣色壯三屯燈火烟連十萬村版鋪層臺秦作塞風
雲大陸薊爲門東來直接山河固西望遙依帝闕尊百二
城邊還質子千秋同戴漢家恩

三屯呈戚光保

別駕陶允宜

薊門往事震京華十六年來靜不譁路出萬山通鳥道城
懸千嶂壓龍沙空中雲影連樓閣夜半鐘聲動鼓笳老將
莫憐心力破金湯終古在皇家

其二

書生躍馬未爲狂孤劍床頭夜有光自喜軍容同細柳莫
辭神臂異穿楊吐吞忽落黃河水叱咤橫飛紫塞霜今古
勲名誰得似天南天北兩相望

景忠山有東嶽行宮及諸葛廟今益以岳文二公

帝城東去萬山奔忽踞中峯北極尊明斗在天珠可摘閒
雲出岫掌堪捫雙松可是分秦樹五丈無勞駐漢原仰止
高山情不淺三忠廟貌對三屯

撫寧道中榆關驛有感

學士董越

晚別撫寧郭天低海氣連蒼茫初出日慘淡未收烟茅屋
多依樹村氓半在田榆關前驛近伐鼓正淵淵

謁武寧王廟

都御
史顧佐

雲龍風虎際昌辰，鐵馬金戈靖
塵。百雉層關金尚固，千
秋報祀永難淪。乾坤疆宇
恢前代，帶礪山河啓後人。
廟貌仰瞻生氣凜，朔方長
賴庇吾民。

山海關

尙書
馬文升

曾聞山海古榆關，今日經行眼界寬。
萬傾洪濤觀不盡，千
尋絕壁畫應難。東封遼地三韓險，西固燕京百世安。
來歲新正還旆日，擬圖形勝獻金鑾。

前題

巡撫
閔珪

幽薊東來第一關，襟澄滄海枕青山。
長城遠岫分高下，明
月寒潮共往還。貢入梯航通異域，天開圖畫落塵寰。
老臣巡歷瞻形勝，追想高皇創業艱。

前題

黃洪憲

關城風急颺征袍，潮落天門萬籟號。
槎泛銀河浮蜃氣，山
銜紫塞捲秋濤。月明午夜鮫珠泣，沙白晴空鴈影高。
司馬風流偏愛客，桃花羌笛醉蒲萄。

山海關晚眺

茫茫沙磧古幽州，日落烏啼滿戍樓。
萬雉倒垂青海日，雙

龍高映白榆秋虎符千里無傳箭魚鑰重關有扞撤自古
外寧多內治衣袂應軫廟堂憂

山海關魁星樓成勉諸生

兵部主事李本緯 曲沃人

魁纏豈亦好樓居壯爾仙才射斗墟檻落彩雲飛翰墨窓
含奎宿映圖書篝燈夜夜燒藜杖荷橐人人佩玉魚咫尺
星門森武庫也知文戰預犀渠

觀海亭

蔡可賢

城頭望海海潮生白浪乘風撼塞城漢使不來槎自轉秦
皇已去石還驚桑田反覆千年事雲水蒼茫萬里情此日

流觴須盡興當時採藥竟何成

前題

戚繼光

曾經澤國鯨鯢息更倚邊城氛祲消春入漢關三月雨風
吹秦島五更潮但從使者傳封事莫向將軍問賜貂故里
蒼茫看不極松楸何處夢魂遙

前題

兵部主事張時顯 南城人

滄溟極目水連雲翠色遙看已半分潮擁百城浮蜃氣劍
橫絕塞閃龍文晚風落日何王島夜月飛濤此女墳萬里
靈槎無計借乘閒且自狎鷗群

角山寺

黃景蕓

愛爾棲霞勝乘秋來寺中山高天氣肅蕭瑟多凄風崖枯
驚落葉露重濕草叢感此四時序代謝何匆匆君看盈虛
理退者在成功智哉張留侯千載名無窮棲霞復棲霞無
以官爲家

前題

兵部馬駁人
主事 上蔡

夙抱烟霞癖無緣脫鞅掌百慮蕩內機庶事勞外像忽忽
青陽暮遙憶山林賞薄言尋蹊壑所希絕塵網佳氣紛鬱
葱寶地開虛敞泉聲清且幽物色何駘蕩莓苔染堦碧松
露滴石響舉觴臨東風悠然任來往長歌故徘徊古洞恣
偃仰歸來憇空堂芳樹日初上

其二

人生常懷憂流光祇虛過逍遙對珠林忘形依石坐鳥馱
煙霞還猿穿藤蘿破雨霽覺景幽衣冷躄雲卧不求東海
仙願訪西山餓

其三

元雲邈且曼飄渺紺園颺登臨一以眺上有白玉堂堂中
何所有一人披霓裳借問何所爲誦經餐霞漿夙懷慕真

隱悠悠踰十霜相逢與不淺談空殊未央山煙橫野碧洞
林帶晨光泉水照禪心松日窺石床幸茲寡塵慮詎復論
圭璋

前題

陳 綰

每日城中見角山入山初覺遠人寰
雲細裊龍宮靜石
薛斜侵鳥道斑殿閣影從滄海落梵鐘聲度碧空還
關門
吏隱無多事猶羨僧齋盡日閒

秦皇島

兵部
主事 楊 琚
泰和人

嶺竈神山峙海邊始皇曾此駐求仙羽翰颺駕今何在方
丈瀛洲亦杳然古殿遠連雲縹緲荒臺俯瞰水潺湲紅塵
不動滄溟闊芳草碧桃年復年

前題

陳 綰

聞說秦皇海上遊至今絕島有名留不知遼海城邊路多
少秦人骨未收

姜女墳

妾身本在深閨裏十五嫁夫作胥靡赭衣就役築長城聞
道遼東今已死妾身本爲從夫來夫死妾身朝露耳間關
嘔血竟何歸萬里將身葬水涘孱軀雖死心未灰化作望

夫石疊疊江枯海竭眼猶青望入九原何日起

顯功廟

太傅提兵出塞還更因榆塞起榆關石驅到海南成堞壘
築連雲北倚山遼水至今來鞞鞬薊門終古鎮賓顏歲時
伏臘猶祠廟麟閣勲名孰與班

榆關

漢塞秦關控海隅長城千里爲防 月明滿地無傳箭靜
聽軍中夜博盧

其二

榆關東去是營州門外車輪似水流夜半邊城吹感粟何
人不起望鄉愁

山海關贈張職方

秦 蕪

高城設險壯金湯作鎮平臨大海旁筐篚每來重譯貢關
門常峻外 防草肥深谷熊生白渡暖春洲蠅吐黃天遣
仙郎此持節年來文化及殊方

其二

燕雲百二擁皇都萬里邊城入壯圖到海有山皆設險入
關無吏不持符詩書已足懷殊俗籌策還看翼廟謨聞說

秋高戎馬健也須辛苦事防

出塞

兵部侍郎梅國禎

曉風匹馬渡灤河極目天感慨多近塞
營還歷亂彌山雉堞自差我林間殘雪經春凍
峽口孤雲帶雨過不少謀臣憂社稷只應
慙許鄧支和

出關

崔廷槐

關吏開金鎖鄙人控玉珂三韓遼社稷五鎮漢山河
白草荒原合黃雲古戍多從今滄海上萬里不揚波

出榆關逢徵兵使人作

馮惟訥

聞道雲中將先秋戒鐵衣虎符千里至龍騎五營歸
夜月明雕戟山風曳回旂誰憐瀚海外雜駐金微

曉發遷安

巡關御史施儒

水落寒灘靜烟消曉嶂新荒城孤竹國匹馬遠行人冠蓋
捫心愧閭閻到骨貧採薇祠室在猶得薦溪蘋

天馬山

傅光宅

倚劍登天馬冷然御遠風乾坤雙眼外今古一杯中
怪石懸疑墮晴濤望若空烽烟清萬里白日海雲紅

弔趙烈女

一塚青山下經過感慨深
家貧依草莽塞遠對荒林
正氣來天地芳名自古今
崔魏一片石千載見貞心

海

尙綱

當年來向海邊頭蓬島仙
山何處求潮汐奔騰坤軸走
波濤洶湧雪花浮憑欄對酒看
無厭倚馬題詩興未休沉醉
漫思張博望乘槎共到月中遊

遼西歌

茅濠

裨將分屯三十營營火礮震天
鳴縱教馬如征鴈不敢銜蘆過
北平

橫山寺

藥州守薛穰鄞縣人

數椽僧舍俯青溪細草春香路
欲迷野水亂流灘上下巖山斜
矗樹高低天生石井泉通海地
接灤江柳暗堤撫景暢然心賞
逸半林花雨鷓鴣啼

灤河

運同蕭雲漢樂亭人

灤水蜿蜒來長泓日射擘朔地
瀉靈源孤竹聲咽吭偏汀
啣磷磷巖山勢蕩蕩落花桃浪
翻過鴈秋蘆盪下有蛟螭
潛上有雲霧混舟子三時篙征
人歲來往有客乘輿遊鐵
笛中流響從此入十州羨門可
相訪醉來夜忘歸船頭一

偃仰清風當我懷明月波心瀆歸與亭閣間心神猶覺爽

冷口溫泉

按察副使李安仁 遷安人

白雲堆裡碧泉開一脉融融遶戰臺不是榆關寒氣重那

知春意此中迴

佛洞山

長山令馮斗華 灤人

崆嶺山秀聳登眺若穿空入洞幽難測攀厓路可通晚江

常載月小艇任搖風興劇歸來晚漁燈數點紅

長春宮

貢士高吉昌 灤人

故宮鴟瓦紀遺樓堊淀斜陽水向流八部國殘誰有恨十

香人艷自生愁珮環似聽松風在奩鏡虛疑檻月留莫嘆

回心空著院玉環飛燕總荒丘

海陵曾三幸春水

苑馬寺卿曹司牧 樂亭人

海氣涵天湧曉光日華分彩露蒼茫東牟應有蜃樓在何

似雲車駕水傍

半月坨

水中見月月月初弦天水相涵月與連夜半不知明月上半

呈坨影半還天

闍黎洞

大理寺左少卿劉廷宣 山海人

愛僻尋閒得不閒更穿雲窟學猿攀談傾白馬公孫社氣
散青牛尹子關老樹笙篁雜霰雨石泉環珮澹潺湲酒闌
客倦魚歌歇醉倚嶽岑未忍還

雲峯寺

梵聲響落最高峯一駕茅龍萬壑鐘春色奚囊收不盡劍
花昨夜吐芙蓉

釣臺

韓應庚

石壁青含雨松臺迥若懸碧潭魚上下斜洞鳥飛還波漾
桐江月雲連渭水天倚樓頻騁望長嘯欲攜僊

其二

結樹青山裏栖遲得自由困來眠小榻興到駕輕舟事業
慚鳴鳳生涯嘆拙鳩塵纓何處濯臺下有清流

其三

不緣投白簡那得遂初衣無復鳴騶入惟餘攜鶴歸攝生
求藥餌托興問漁磯避遠紅塵路棲廬向翠微

臺上吟

華陽陶隱君仍號山中宰我已出世緣詢謀豈堪採

其二

孤竹城邊水陽山頂上薇併作漁臺供水香薇亦肥

其三

卸却惠文冠裁成薜荔服閒來理釣絲時復尋樵牧

其四

辭別京華路歸來三十霜山居耽習靜身世兩相忘

釣臺月白樓

華陰令 韓應奎 盧龍人

載酒過灤江登歌興欲狂臺朝天北極人在水中央月白
蘆煙淡樓高海氣涼一竿垂釣罷清夢到羲皇

秋日登釣臺暮宿沙渚

刑部尚書 白瑜 盧龍人

仙槎遙望斗牛邊嫋嫋商風荇帶牽水浴磯頭時隱見雲
橫雁字任蹢躅數敲碁韻雜歌扇幾點漁燈起暮烟榻下
主人能款客疎星猶挂子陵川

九日遊釣臺

典籍管 珍 長洲人

露橈舫湧客星來朱鷺飛飛點碧苔萬壑爭鳴孤竹水夾
谿環抱富春臺問天漁父何年釣到日花源幾樹開重九
風光容易得白雲黃葉正相催

都山雪霽

朱吉

同雲凍合天一色鳥不高飛苔石裂朔風捲海聲如雷一

夜都山滿頭雪千巖萬壑光玲瓏瓊臺瑤室開仙宮是中
可望不可到安得一訪浮丘翁

紫荆山石婆

撫寧教諭謝鵬南順天人

面對荆山列翠屏石巖巧立似嫗形娥眉不掃一灣月蓬
髮猶堆兩鬢星脂粉年深風雨淡衣衫歲久蘚苔青凝然
翹首頻西望隻影寥寥伴野汀

碣石

陳所立

砥柱東溟碣石開黃河萬里直西來天鷄解喚扶桑日起
舞何人是異才

都山望雪

祈連絕處總燕支到此回看北斗低六月山頭猶戴雪罡
風吹落薊門西

釣臺

一著羊裘動客星非熊感遇亦無情臨流莫學任公子月
白江空負釣名

界嶺

兵備叅議劉景耀登封人

界嶺連雲際陽河入海流山川地近風雨漢宮秋處處
嚴烽火朝朝逐馬牛誰憐漢飛將白首不封侯

永平府志 卷之二十三
秦總鎮邀飲界嶺正關樓得才字

城頭碣石鬱崔嵬倚檻春風塞外來
三輔河山時對酒九邊烽火共登臺
秦皇島上仙雲散姜女祠邊新月回
莫道書生無俠骨毛錐元負佩刀才

桃林

野水年年去不還荒林面面出高山
小舟晚泊鴛鴦渚畫角秋生虎豹關
出塞將軍誰俠骨中原赤子正愁顏
悲笳遙對啼猿急暮日爭如歸鳥閑

望仙人頂

遙望仙人頂佳氣滿蓬萊丹爐灰未滅
白鶴安在哉秦皇與漢武輦路生青苔

仙人臺

猿嘯峯高一徑通鶴鳴丹竈火初紅
扶桑早掛三竿日碣石常來萬里風
採藥何年離海上吹簫昨夜坐雲中
勒銘應抵黃龍府徐問仙人白兔翁

漆灤

漢水悠悠塞外來藍田佳氣接河魁
虎頭近見雙龍合羅洞還驚匹練開
鼓柝能無浮海意洗兵合待濟川才
勒盟

不假黃河水自有清流遶郭回

偏涼汀

插天危閣倚晴嵐橫海長川滌碧潭鳥道斜穿雲外樹龍宮幽綴雨中曇坐來山水都成僻占盡煙霞不是貪欲把漁翁移酷暑可人風景一江南

客盧龍代諸將寄京洛相知

進士 阮自華 桐城人

朔氣厲高秋將軍洗鬪髀勞雲出家暗疲馬傍人愁風色侵重鎧霜威折大矛貴人能作賦何不自封侯

過汀流河

訓導 方 經 黃陂人

灤水朝宗一派流寒烟蕭索古津頭鷄鳴遠浦家家月漁老空磯處處鷗將伴沙邊人待渡忽呼江上客同舟西風回首中流楫桐葉蘆花兩岸秋

碣石

兵備 韓原善 盧龍人

鑿石憑誰問巨靈摩空古壁摘寒星巖深仙客時留馭樹老僧人不記齡松覆鶴巢山點翠瀑翻龍洞澗流腥紅塵永謝清涼境招得閒雲鎖薜廡

遊昌黎翠屏山亭

領略烟霞太古人呼名山鳥解留賓蓮塘引水通雲竇書

屋編茅與石隣君子風流渾是晉大夫封事尙仍秦坐來
下瞰諸峰盡海氣嵐光共咲顰

澄海樓爲王海若司馬賦

蓬萊咫尺望中移員嶠風來吹鬢絲煙淨玉門間虎豹浪
翻銀屋隱蛟螭瓊沙雪霽冰初泮繡陌春回柳未窺不信
邊頭多氣色雄關新簡丈人師

其二

習習天風動客衣登樓把酒送斜暉眸隨雪浪翻青海夢
逐春風入紫微十載浮沉肝膽是半生潦倒鬢毛非樽前

幸預鱸魚會不到秋風已賦歸

釣臺

窺山一竇引樵青石徑漁磯傍水亭風磴松敲蒼玉珮雲
巢天繪鬱金屏丈人舸艇迷前渚孺子滄浪過別汀釣罷
月明江欲曉綸竿收盡滿天星

北平春郊

應庚長
子文學韓原濬

探竒勞杖履一上翠微亭晴檻雲生白虛樓夢入青柳深
憐綽約華落惜飄零莫厭連朝醉春風不可停

銀杏樹

應庚次
子文學韓原洞

郡城西郭家莊有古樹二株
大可數圍相傳東漢時物

老幹扶疎竟插霄萬山俯視自迢遙月來影欲移千畝風
過聲如奏九韶衆口漫傳東漢蹟雙貞齊捧大明朝精靈
俱可留今古莫用攀枝嘆寂寥

夷齊里

謁選入都兵後無歸
縛茹居此授經自給張星炳 江西明經

搖落江湖此結廬何期得傍古人居粟知難與西周比薇
幸猶餐北海餘荷戴一方新製笠携持幾卷舊殘書兒今
授室余將老歸思多年已漸除

登釣臺弔韓開之烈士

范縣令高輔辰 灤人

立馬松原下遙江過鶩輕暗嶽連雨黛高嶂罨人聲威斗
麟棲冷領珠驪卧腥水仙空谷意徒有碎琴情

永平道中

撫寧宰孫廷銓 益都人

烟開林下路帘出水邊家山市秋多棗荒谿雨落瓜近邊
無廣岫列戍尙高牙樹盡看城闕危旌有暮鴉

山海道中

高柳荒亭下殘碑古戍前秋光晴到水山色淨於天氣變
蟲音急水沉月影偏鷄鳴催候吏爭渡古溪船

衙齋望兎峰

高館揚清徽澄陰淡將夕好峰林外明肅肅蔭牀席日入
引村煙縱橫交阡陌倏忽半巖際風雨送行役松雜名藥
香鶴遺幽人跡霽景疏夜明况復沉秋碧菊憶淵明籬書
成楊子宅誰當堪共語一片寒山石

前題

人靜懷幽眺芒鞋又漫來山禽鳴獨樹石壁瀆荒苔水拘
波光亂天低鴈影回春風吹白髮有酒且銜盃

釣臺

原善子庚午避地會稽辭
徵不自號鶴寤道人

韓廣業 文學

柔煙染黛列春屏光隱玻璃夜不扃雲綴天空狎亂碧峰
涵江靜印雙書晴沙向煖鷗分席曉月餘寒鴈過汀百尺
漁磯清夢好欣逢杖履近元亭

其二

危石留雲徑未封竒看萬仞玉芙蓉天開鼠戶延驚雀舟
小鯨田躡睡龍卜築百年初見月衣冠隔座近聞松桃源
極目人烟裏槐柳春遲葉幾濃

其三

釣罷綸竿石氣舒巨靈爲鑿水雲居馴僧已老還馴鴿種
樹多方更種魚古雪喜曾呼白也新碑惜未見黃初天涯

兄弟俱頭白
朝水何年共結廬

其四

山雲無計挽征車
寄卧漁洲志在魚
不信梅花開絕塞
却愁風雨有來書
中原榛棘雙眸盡
兩地松楸十載餘
孺子滄浪歌有意
月明歸棹理徐徐

夷齊廟

朝鮮使臣柳夢寅

首陽蒼翠鬱嵯峨
灤水悠悠也自波
土俗尙聞孤竹廟
邦人能唱採薇歌
一時賢士知俱出
萬古高名問孰多
此地清風吹不盡
荒臺只是舊山河

萬柳莊

巾我河車指玉京
諸天無際是三清朝
來失路青霞迥物
外沾衣白露生
怪石當溪蹲老虎
晴鐘殷郭吼長鯨
茅龍展尾紆清澗
遠鶴舒翎抗畫甍
翳羽涼陰藏小店
拂天高柳滿平坳
臨風嫋嫋齊垂線
匝地森森亂擢莖
徑摻白氈飄落絮
門張翠幄擲流鶯
清尊繫馬尋芳興
玉手攀條惜別情
嫩葉正濃紅女織
新枝初暢葆蕤傾
凋霜啄木秋聲急
殘綠寒蛸夕吹輕
萬里三遊人不識
天高地迥我何征
神仙縹緲吾身是
山海微茫上界行
繡闥朱門清晝掩
寒

林衰草暮鴉鳴風烟淡淡愁山色歌笑悠悠送水聲鶴背
明朝參北極鰲頭歸路踏東瀛烟波夢斷盧龍塞鄉客應
尋舊姓名

謁夷齊廟

國朝郡司理

尤

侗 長洲人

孤城鬱岌堯臨河激寒響清風繚繞之白雲翔其上中有
古賢人端然肅遺像社稷已丘墟精神自天壤金石永令
名俎豆芬將享勁飈迴頽波頑薄興慨慷我來北海濱欣
對西山爽駐馬俯平疇陟階掃荆莽百年喬木堅三春芳
草長高臺聞鳥啼遠水明漁網撫景迴幽瑟披襟頓超朗

薄宦亦苦饑懷古用自廣行行訶採薇寤寐佇遐想

前題

舉人 東蔭商 華陰人

秣馬西周客維舟北海濱關河猶此地今古有斯人松老
荒祠月山閒故國春自憐藜藿士終愧採薇民

前題

左都御史 劉鴻儒 遷安人

碧殿風生白日寒愁雲漠漠遶山巒幾言曲盡當年事一
餓常留萬古丹天地爲心懸皓月乾坤不老砥狂瀾偶來
仰止勤瞻禮慘澹癯容淚尙癡

前題

郡丞 祖澤溶 寧遠人

空山臺殿鬱森森
叩馬猶傳此日心
薇蕨豈知新伏臘
滄桑不易舊冠簪
清風獨立垂天壤
至德堪師自古今
吁咈弟兄遺跡在
商周社稷久銷沉

前題

貢士 宋元伯 萊陽人

孤城烟雨中
長河遶百折
驅馬越陌阡
巍巍廟貌設
陰森鬱喬松
斑駁欹石碣
二子餓首陽
孤竹尊高節
嗟彼黃與農
灤水常澄澈
波光澹不流
山色遠還滅
陰晴崇朝移
烟靄衆鳥悅
夕陽滿中流
發棹聞幽咽
簫鼓夜未央
歸舟月如雪

前題

盧龍 李士模 高密人

讓國雖絕德
能受乃獨良
所以歌農夏
中不及黃唐
軒囿摧炎燼
堯亦克讓王
重器難久虛
異代維其常
孟津卽無渡
商辛詎不亡
紂惟弗克靖
大介乃張皇
先生爲殷惜
實切爲武傷
一死存千古
豈曰謂存商

其二

許由三皇資
遇帝則洗耳
夷齊帝者師
遇王輕一死
器識故有恒
各視其相取
使其在勲華
定當不爾爾
虞夏何風規
孤亭俯寒水

前題

遷安張一謬 山陰人

高臺遙峙彩雲邊碧水蒼松曙色連一餓首陽清節在空
山寂寂鳥啼烟

再遊清聖祠感賦

貢士高士麟 灤人

白魚舟渡孟津寒八百三千愧二難肯學渭濱忘北海生
憎殷敏著南冠但存孤竹誰非嗣除却雷陽豈有戀何事
宗臣悲麥黍強吞囚泣自含酸

清風臺

舉人白培極 灤人

阡原禾黍自猶猶何處風來六月秋脫屣頓思王子去於
人俱羨謝公遊樽前鷺鶴鋪平澤潭底魚龍浮晚湫我與
月明潛有約離騷清酒一漁舟

碣石

文學譚允謙 丹徒人

萬里行邊且未回高登碣石望燕臺但看滄海新塵起不
見黃河故道來明德永懷神禹蹟壯游深愧史遷才春陽
杲杲扶桑曉溟渤潏潏烟浪開

前題

文學李斐章 樂安人

憑高極目奈愁何大海迴風濺白波一柱挿空標碣石千
年無處認黃河漢皇御道生秋草魏武豐碑沒女蘿俯仰

當時形勝地亂山吹角牧鳴駝

前題

昌黎令王曰翼陽城人

一柱孤懸霄漢傍千秋禹蹟舊茫茫峰迴鴈塞關雲紫日射鯨門海氣蒼汗漫殘碑埋徑草崔巍宮闕照扶桑朝宗不有中流砥誰障洪濤萬里狂

秦皇島

邵達

徐福樓船去不迴鑿輿會此駐叢臺千尋浪泊紛如雪萬疊潮來吼似雷草樹尙然籠碧嶂烟霞依舊鎖蒼苔追思漫憶長生藥回首沙丘事可哀

虎頭石

尤侗

將軍射虎陽山下視之石也虎所化至今石虎尙狎獐當日將軍何叱咤歎竒不遇高皇封時去及遭醉尉罵世上誰無萬戶侯過此張弓不敢射

前題

文學姚士圭桐城人

聞說將軍氣槩雄石邊駐馬想英風峯盤紫塞秋橫氣河帶黃沙地接虹勲業至今稱射虎文章自古笑鵬蟲黔婁苦被詩書誤校獵南山技未工

登五峯山謁韓文公祠

尤侗

五峰青不斷引入白雲中春後山崖雪朝來海上風三鈎
菩薩井一尺大夫松怪石排如筆森嚴拱鉅公
先生高坐處北斗逼星寒松栢疑元冢芙蓉捧絳壇塞雲
浮雉堞海日照欄干把酒空冥外茫茫起百端

過昌黎謁韓文公祠

刑部尚書白引謙 陽城人

碣石當海隅下有昔賢祠棟宇藹雲光階蘚幸未滋斯文
鄒魯後斯人實續之蕩闕障狂瀾功足並禹垂焉知乾坤
秀鍾蓄乃在茲我來肅洒掃瞻顧發歎咨微言尚不隔努
力崇令規

前題

東蔭商

雙栢祠堂碣石間高皇曾此禮名賢文開大雅慕蕪日道
峻元和諫諍年俎豆歲時嚴伏臘粉榆南北渺風烟只今
精爽依樓地多在蒼山碧海邊

前題

御史楊本深

廟古風雲駐臺荒歲月長蛛絲羅饗殿蝸篆上頽牆封國
名尊重昇仙事渺茫重來追古跡感慨興多狂

前題

兵備副憲宋琬 萊陽人

先生海岳姿實踐聖賢奧介立貞元朝正氣何浩浩著論

續微言傳薪在原道微公表章力孰障狂瀾倒茲邦迺故
里廟貌儼圭瑁鄉人困豺虎生齒嗟凋耗安得奮雲旗再
息鱷魚暴泰山不可躋俯仰餘深悼明禋展奉籩餘生願
執掃九原風雨中英爽與來告

前題

姚士圭

京兆遺墟碣石傍五峰山下舊祠堂叅天黛色青松老漾
日波光碧海長八代已能恢漢魏一封何事謫潮陽心源
未絕存原道賴有廬陵續瓣香

巡行過北平登孤竹堂望伯夷叔齊廟有感

刑部
尚書魏象樞 山西

孤竹何崔嵬兩聖高千古仰止夢魂間有懷常欲吐安得
陟山巔瓣香頭一俯告我希聖心難濟蒼生苦凜凜對簡
書汗下渾如雨此行負朝廷愆尤何日補遙望乞神靈相
助驅豺虎灤水自無波澄清在畿輔

永平

陳蔭商

肥子城高北斗懸燕關東去路依然誰知戎騎揮戈地翻
見邊疆撤堠年春轉漁陽霜壓磧雲開碣石水連天墨胎
社稷今何處獨有西山二子傳

秦皇島望海歌

通永
宋
人 商丘

渤海之岍聳斷山橫截巨浪排雲烟人言此是秦皇島迴
岡輦道留依然白頭山僧葺古屋晨炊遠汲荒村泉危磯
犖确帶沙石盪胷萬里開長川天吳出沒老蛟舞百靈彷彿
驚濤前我來榆塞正秋晚蒼鷹叫侶摩青天鞞紋波細
風忽止白鷗容與殊清妍俄傾變幻不可測歸墟豈必非
桑田秦皇已去漢帝至孤臺野岍空千年蓬萊方丈在何
許一眉新月來娟娟解鞍脫帽便此住斫松煮菽容高眠
移情愛鼓水仙曲無須真到三神山秦碑磨滅蘚花繡誰
能與結翰墨緣欲鞭螭龍作海市良慚玉局登州篇

灤河沉月

東蔭商

雙舸凌風散鬱蒸飛觴度曲興堪乘自憐去國同王粲却
得同舟是李膺雲影微茫遙岸月林端明滅遠村燈滄溟
只在帆幙外莫道三山未可登

灤水歌

李士模

灤水一何清喧逐日不止迴風噴雪過大荒渡壑穿巖數
千里入關幾處抱嚴城形勢如弓復如矢岸邊荒沙高接
雲波底驚石紛若齒黯黹能令白日寒天陰時有蛟龍起

憶昔榆關正用兵，旌旗白羽亂縱橫。
萬舸平衡波上月，清笳吹徹鼉鼉驚。
物換星移仍此水，不改濤聲改戰壘。
兩兩沙鷗弄夕陽，落葉秋風傷遊子。

偏涼汀登眺是故高大司馬別墅

尤侗

此地風塵埋斷碣，當年歌舞醉芳茵。
荒丘剩有松楸在，廢屋行于鳥雀親。
秋水覺多濠濮意，田家時侶武陵人。
峴山魂魄應相憶，俯仰興衰一愴神。

偏涼汀

譚允謙

巖陰日氣少，此地是偏涼。
石穴魚多美，溪田稻更香。
村深秋刈穫，水濶夜鳴榔。
絕與江南似，令人憶故鄉。

前題

文學方文
桐城人

灤河東去海天空，白草黃雲一望同。
惟有偏涼汀數里，兩邊山色似吳中。

同韓子新宿其先侍御公釣臺墓下
譚允謙

兵戈無恙有村春，三十年前馬鬣封。
同踏此中山嶺月來聽，今夜墓堂松先生。
早隱曾如鳳烈士，雖亡終是龍雨馮。
壟頭多落葉，文孫徃掃許游從。

遊韓御史釣臺

方文

繡斧文孫老布衣風標棲遯繼前徽三公不易青山樂一
艇長隨白鳥飛瀚海愁聞新戰伐灤河久別舊漁磯故園
丘壑今如此胡不攜家自雒歸

公之孫鼎業
避地中州

前題

文學 顧 絳

我登釣臺山喟焉念先民韓公昔盛年隱此甘垂綸九原
不可作山水留清真于今有哲孫逸韻追芳塵獨抱文獻
懷愧我非其人徒堅狷士節與公映千春鴻爪雖暫留龍
性終難馴結交盡四海落落星向晨江湖倘相忘一咲情
彌親

前題

進士 趙 瑾 太原人

繡衣人作後空却釣魚臺遠翠疑將滴孤峯駭欲摧嚴陵
君伴去謝眺我攜來一自佳城閉山河滿目哀

前題

宋 琬

先生蚤歲返丘園選勝垂綸此結軒到海遙看千派入倚
雲高見一峯尊月明華表松杉影雨洗丹梯杖履痕誰謂
風流難再嗣客星今已屬諸孫

秋日泛舟釣臺

趙 纘

秋索灤如鏡孤帆向日開衣沾雲入座酒泛翠浮杯灘送

檣風急山迎人面來遙瞻峯突兀疑是子陵臺

南臺寺

李斐章

野寺高臺上登臨感慨生河流經絕塞山勢抱孤城破甕
殘僧去長廊落日明空堦餘老樹時有怪鴉鳴

夏居水岩寺

東蔭商

石蘿盤磴幽石髓濺雲流不歷諸天境焉知六月秋山蔬
隣叟採崖菓野僧收一榻堪容我浮生何所求

其二

鬱葱藏一徑巖嶮儼雙扉得樹堪消暑逢山可當歸行看
孤石立坐待片雲飛枯寂人誰解吾將杜德機

雲峯寺

遙岫亂雲黑古林殘月明臺荒多鳥跡樓圯斷鐘聲山鬼
披蘿出村僧夾澗耕前峯問何許碣石少人行

隆教寺

譚允謙

雪晴山寺趨朝登老衲相迎挂一藤鴻附尺書臨玉塞携
秣陵名馬馱梵册自金陵請南來同陝右棲禪客還問江
衲書至

南結社僧隣廟尚存飛將在幾誰敢恃射鵬能

散米謠

一叟扶杖拄一嫗倚門佇一夫趨簷楹一媼隱庭柱手中
提一男懷中襁一女一農又一工一商又一旅一漁又一
樵一衲又一羽跛者步槃跚駝者立偃僂喑者呼嗚嗚瞽
者行踽踽厄者貌元黃裸者身藍縷寡妻逐鰥夫孤兒隨
獨父或操篋與瓢或携筐與筥或以破帽盛或以敝衣取
或挈瓶託鉢或將雙手舉左去右復來前推後還阻數一
以至十至不可勝數丁男四千餘丁女三千許誰爲筭博
士分明點鬼簿小吏在旁立徃徃識爾汝某也田舍翁某
也市門賈某也弓之子某也褐之父某裙而其釵蕭娘及
呂姥疇昔大有年各能立門戶饑則食肉糜寒亦被統紵
一旦遭凶荒死亡十去五壯者走四方弱者守此土聞有
發粟令百里爭趨府可憐良家子乃與乞丐伍性命且不
保廉耻何足語朝幸有米炊暮尙無薪煮今日更明日却
愁空廩庾予顧太守歎大無豈小補甲哺不及乙辰飽不
待午窮官干日糧窮民一日肚欲竭升斗儲衙內魚生釜
雖蠲尙方租難噓寒谷忝願繪饑民圖獻之上帝所大發
萬千倉散爲天下雨

春日白雲樓

尤侗

獨凭虛閣俯灤河
蕭瑟涼風襟帶過
不斷青山趨雉堞
忽來白浪出漁簑
夕陽背隴牛羊下
秋草平沙鴻雁多
四野荒蕪邨舍少
十年回首幾干戈

雪峯寺迴舟卽事

李士模

薄暮垂山靄中流
落照紅舟行蓼影
上人語水聲中盧酒
堪遲月絺衣不耐
風隔林燈火近歸
路響秋蟲

客有道盧龍風景者因賦

翰林侍講綦汝楫 高密人

渤海初歸客幽燕
繞夢思秋風李廣
石暮雨伯夷祠官
舍征鴻過女牆畫
角悲川原連大漠
冰雪帶春澌

秋杪遊白塔寺

新城令李成性 遷安人

二十年前向此遊
今來重見梵宮修
山峰紅映扶桑日
池水清分孤竹流
柿葉可書籠舊塔
菊英堪泛對深秋
吁嗟陶令無知己
空憶東林社裏儔

午日遊黃臺山

瑞草新懸艾嬌花
已綻榴漁家三里
近僧舍十分幽
仰陟黃臺巔俯看
灤水流渡頭人似
蟻山脚石如牛
酒任醉翁意詩尋
騷客酬誰期重午
日還似暮春遊

重遊龍泉寺

劉鴻儒

溽暑鬱我懷携朋尋高爽出城見南山幽况夙所賞龍泉
久神異風雨靈澤廣別來二十年老健喜重往密樹結層
陰峭壁當沆漭唵呀窸窣入薜蘿分披上躡翠陟其巔大
千指諸掌法王寶地尊霞光羅萬象景趣猶如昔理會頓
殊曩探無悟無極閱有謝有攘臨茲諸綠空耳目餘清響
留連恣遐矚浩浩神氣朗桃源勿勞思舍此將焉訪

謁景忠山

尤侗

蹬道盤盤七十二板車宛轉似猿捫羣峰皆作兒孫立絕
頂應知天姥尊夜月靈旌招五岳春風社鼓走千村迎神

擬賦離騷曲欲薦湘君乏蕙蓀

恭紀三屯營駐蹕

遷安 王永命 臨汾人

望裏龍旗掣海雲晴光瑞靄競繽紛六師濟濟從神武萬
姓欣欣祝

聖君自是虞廷昭典禮非同漢帝樂河汾昇平事業今歡邁

朱鷺鏡歌次第聞

聖水寺看紅葉

撫寧 趙端 錢塘人

秋色明郊甸招遊古寺隈禪關寒日滿林葉曉霜催作籟
叅仙梵如花照客杯御溝非聖水傳語莫飛來

溫泉

余淮
汜陽人

平山東北赤龍眠吐出炎濤洗俗緣冷眼何堪對執海癡
腸空自浴湯泉水高絕塞波長煖雪滿荒坡水亦煎客裡
塵懷滌不去一聲長嘯白雲邊

花洞水簾

諸元壽
山陰人

泉飛來兮出山崦流為瀑兮凝為簾望之玲瓏兮日光暹
洞中有人兮披素練鑿而飲兮何其廉日坐冰壺兮絕塵
織

春日遊紫霞洞

馬惕然
汜陽人

東南一帶清心目有此千峰插翠微人在下方衝日上鶴
從高處破煙飛水深巖落寒侵骨門靜花開色照衣欲識
蓬萊今便是更於何地學忘機

遊棲霞寺

宮詹沈荃
華亭人

陟磴循松逕携樽坐石磯野花晴落帽山翠冷沾衣地僻
留僧話亭虛待鶴歸我來倦鞅掌到此已忘機

前題

徵君夏駟
湖州人

覺路元花柳空山忽管絃衆香生白社獨鶴下蒼烟洗耳
從聽曲纏頭不費錢異時風土記可共虎溪傳

柳亭樓遠眺

北風簫瑟鴈聲闌十月邊城草木殘
息足乍忘關塞遠登臨陡覺地天寬
雲開兔耳雙峰峻日落牛頭大海寒
幾欲振衣臨碣石不知蜃氣共誰看

前題

趙端

蕭蕭水署未全荒留得飛樓傍古墻
山入畫圖偏著雨樹如圍帶半迎霜
兩年宦跡家何處千里羈懷塞正長
却愛公餘多嘯咏茗鑪新煮石泉香

蓮蓬山觀海歌

貢士

趙景徠

撫寧人

驪城形勢臨盧龍塞垣千里當要衝
兩京拱峙咽喉通背枕溟渤開鴻濛
濱海有嶺號蓮蓬懸崖削就金芙蓉
海光山勢相爭雄怒濤隱隱凌太空
我來登時秋正濃泐湃上下吹天風
雙螭初起馭祝融元氣磅礴涵蒼穹
咫尺蜃樓變化中早潮欲上雷霹靂
登萊城郭烟霧隴三山何處求秦童
祖龍鞭石杳無踪征遼遺蹟推唐宗
張騫無復乘槎功采芝徒羨安期翁
俯仰今古誰復同八荒吞吐歸心胸
酒酣拔劍噴長虹光芒倒射鮫人宮
安得騎鯨直向煙波中倏忽已抵扶桑東

榆關

王模無錫人

絕壁開天險千尋控塞垣荒沙寒白骨新鬼嘯黃昏水急蛟龍怒山深虎豹屯當年百戰地遺恨至今存

雨後西五峰

宋琬

襍被星河近人同野鳥栖片雲孤嶂起一雨萬松迷城郭微微見峰巒漠漠低不辭苔徑滑更欲杖青藜

東五峰

已謂西峰好東峰更不羣懸崖疑削刃古木善藏雲海色朝來變泉聲雨後分何年此高卧自剪薜蘿裙

登五峰山

王曰翼

青旻丹嶂合攀陟最高頭海氣朝成雨松陰曙欲秋石幢迎露洗雲竇泛泉流吏祀同僧拙登臨足勝遊

新秋登龍潭

貢士張莊臨昌黎人

積雨秋初霽新涼已透裳泉嘶夜疑雨沙皎月如霜極聽窮邊靜愁看野塞長登崖時一嘯終老此僧房

東五峰中秋看月

靖江張元復昌黎人

玉虬初駕冰輪上一片清光發嶺東素魄傳來松際影幽香時送桂邊風乘涼身在瑤臺畔踏影人行水荇中坐久

不知霜露冷寒裳擬入廣寒宮

登五峯山望海

國學 彭延禎 杏山人

北平山水稱五峯五峯屹立摩蒼穹秋來絕頂試登眺林壑如畫烟濛濛地盡忽驚天水合怒潮千丈騰蛟龍山僧指點為東海沐日浴月波濤紅昔我鼓棹江湖內茫茫已嘆排長空谷王真與凡水別百川巨細皆朝東吁嗟乎秦皇漢武意無窮渡海欲尋蓬萊宮只今三島杳何處秋日遙射玻璃中

祥雲島

文學 曹爾俊 樂亭人

海嶽龍從一抹斜馮夷曾此駐雲車登臨每羨三春浪眺望遙期八月槎層氣朝騰疑舞鶴鯨鼉夜吼慘悲笳何當一假乘風翼為訪三山問玉華

關門秋夜

翰林降官 韓雄胤 高陽衛岸教授人

靜夜蟪蛄響新涼蟋蟀吟三山歸遠夢一葉助悲心月色凄團扇霜華冷素襟幽人寥落意不待九秋深

登澄海樓觀海

尤侗

茫乎望洋向若嘆大哉歸虛渺無岸近視爭看白馬奔遠觀不辨青霓斷似雷非雷聲殷殷魚鯨顛倒騰千軍駭浪

元平月元 卷之二十三 三
乍浮出地日驚潮翻射垂天雲方丈蓬瀛疑尺咫漢武秦
皇心欲死鮫室蜃樓有若無瑤臺瓊闕非耶是飄飄我亦
凌雲遊海風吹搖城上樓援琴爲奏水僊操鼓櫂不見魚
翁舟東望獨存姜女墓精衛填成血淚注縱使銀濤萬丈
高不到墳頭草青處西行更上海神祠羅襪凌波來幾時
霧髻烟鬟光窈窕夜深鼉鼓舞馮夷土人指點先朝事十
年以前風景異關上皆屯細柳營牆邊亂蹴桃花騎水犀
之師蔽餘艤木牛之糧銜舳艫鐵甲將軍吹威栗臙脂小
婦醉醅酥只今眼中一事無寒沙蕭蕭鴈飛疾仰頭屹峙
長城孤惟有滄海依然在滄海尙變桑田枯而我感嘆何
爲乎

登澄海樓

翰林 周體觀

祖龍鞭石神蛟怒喝族橫洋傾北注九點煙州天盡頭九
泥封隘不封愁踏斷秦城迴鴈影戍樓直取滄溟枕馮夷
起舞闐風寒誰伐鼉鼓沸狂瀾折蘆欲凌碧波去自恨凡
骨沉于石檜可楫兮松可舟元嶠如何不可遊邈邈余懷
望仙子東拜貞娘能不死借問隴西李細眉一泓水瀉幽
夢時而今白玉樓中看俯身下視見不見

前題

郡判 陳天植 永嘉人

天風日夜吼萬里雄濤漾元氣接青冥夕陽歸島上蓬萊
弱水隔倚檻遙相望何處覓神仙孤懷獨惆悵愛此百尺
樓滌我塵中况徘徊未能去薄醉松花釀

觀南海口

劉鴻儒

汪洋一派碧天低何事潮龍不穩栖喧吼波中橫紫塞風
雲靜裏對青齊曉光浩瀚俗襟洗暮景依稀彼岸迹久擬
仙艤從性適食霞高友願相携

貞女祠

陳天植

迢迢長城路纖纖弱女身不憚萬餘里尋夫遼海濱夫婿
從征役勞勞多苦辛耐此霜雪威白骨委黃塵寒衣剛送
到不見處處人對茲築愁者翻令蛾眉顰登高遙悵望水
石空粼粼可憐妾薄命哀怨難具陳夫魂不可招淚血傾
城闈婦心金石堅此生聊以殉長城役方罷二世已亡秦
至今千載下貞女祠猶新東海有滄桑斯墳無沉淪偶來
憑弔生悲歌當蔡蘋

重九登角山遇雨

劉鴻儒

振腕登高菊正醅翠微深處紺宮依歲荒山寂遊人少秋

老邊寒過鴈稀開代戰場眼底濶舊時烽塞嶺頭魏歡酬
莫殘情何極妬雨催歸恨落暉

登首山亭

郡守 陳 丹 山陽人

重陽過半又登高大將開筵擁節旄山領羣峰排翠嶂海
當停午湧銀濤採花共泛杯中菊剖蟹爭持醉後螯傳道
荒陬多虎豹暮歸共欲控弓刀

前題

禮部 余一元 山海
郎中 人

攬勝翫高亭重巒繞翠屏閒雲挂遠岫澗水漾寒汀平眺
海波碧環觀峯色青銜杯逸興發長嘯動山靈

重九登首山

佳節宜登高杖履首山隅冠蓋集僚友紳儒接歡娛大海
亘蒼茫層巒積崎嶇一水紆曲流怪石蟠覆盂樵採互來
徃烟雲乍有無古廟羅盤餐亭趾飛濃醅樵豎向我言猛
虎初負嶮醉後厲聲呼我輩叱咤驅薄暮聯鑣散山空秋
月孤

角山寺

彭延禩

已登望海樓更遊角山寺石磴盤山阿迴環閱佳致力倦
席草坐息定還鼯屬精舍忽在眼布置存古意烹茶品名

泉俯仰窮天地雲水河渺茫城市燦若織伊余丘壑性未
遂棲隱志徒羨山中僧日看海潮至

晚登古長城戍樓

陳天植

薄暮登高古戍樓長城雄峙海東頭燕山冷照秦時月榆
嶺遙傳白帝秋浪說終軍能款塞獨憐李廣不封侯當年
誰設安邊計萬里雲寒似築愁

別郡丞楊璽卿

諱奕綰
河內人

郡守

華

黃

無錫人

謁選相同郡亦同同辰策馬赴畿東兩年自矢皆冰雪一
壁相依共兩風慈愛頌聲盈道左賢勞佳節半途中北平
賴有關西在可許林泉憩此翁

別同城駐防固山阿君

鐵券承恩受世綸分防邊郡淨風塵能持豐沛軍興法善
撫南陽親舊人城市止須嚴鎖鑰村莊不用遍邏巡臨岐
執手爲君語鞏固金湯在衛民

寄永平張使君

諱朝琮
蕭山人

檢討

毛奇齡

蕭山人

車前八隊引鳴騶家有司空舊列侯李勉未經懷北闕張
華早已守平州陽山對酒官花曙盧水塞帷錦浪秋退食
稍閒能嘯咏令支城外卽丹丘

春遊夷齊祠四首

用陶靖節時運原韻

國學

張文瑞

蕭山人

遲遲春日卜茲芳朝言策我馬于彼雪郊清風有臺上微雲霄我遊其下采薇之苗

豈無清流我纓斯濁豈無高山供我遐矚古人有言惟日不足追此良辰云何不樂

言有春衣豈必浴沂亦有童冠可以詠歸雖無絲竹清風發揮西山夷叔邈焉莫追

瞻烏爰止伯夷之廬我行其野舍此焉如青山在眼名酒在壺有風自東飄飄吹余

謁清節祠

國學

傅以德

仁和人

俗子拜清光清風冷俗腸求仁雙去國取義獨存商馬首詞何壯山中蕨更香周畿今已矣孤竹不滄桑

前題

代府幕朱凜延

國學

金

堂

山陰人

惟二士兮高風超終古兮曼絕綬故土兮立廟承

天子兮褒錫奉烝嘗兮荔蕉馨髣髴兮薇蕨厥兩廡兮會鼓

響繁音兮促節羗偃蹇兮雲旂爰縹緲兮靈魄在天上兮

乘箕尾歸祠像兮棲松栢松與栢兮乃負靈傍西山兮挺

高節後世無此義兮深太息予登臺重為題曰日見官民

廉蹈茲孤竹里清風激臺上臺下得興起

送徐學博之任永平

貢士 余隆徵 山陰人

書帶翩翩羨鄭虔一官最好是青氈何當縱飲揮毫處俸薄難支買酒錢

其二

官冷須知事事忙于思古貌氣飛揚整襟絳帳談經後又著萊衣舞一場

其三

息耕手澤跡猶新十五年來讀幾巡牛背秋風書滿載知

君必不厭官貧

其四

陽山景色到秋奇不讓江東楓落時客夢還因鄉夢起霜林遲我譜新詞

出西門觀灤河漫興

郡庠 徐香 宛平司訓

水帶城門軌城外灤河水水飲城中民民日汲於是吾為窮其源塞北來千里上都會諸水溲激注其裏霖雨七八月秋漲勢莫已百川爭歸海洪濤各自起臯陸為之翻魚龍窟宅徒灤不遵其河汎濫吞居止不見已丑夏賊水急

如矢勢作萬馬奔直欲傾百雉蕩然浸樹杪湍悍猶如此
年來遇水平登眺竊自喜河流循故道長如一幅紙泯泯
東南瀉遠近資生理田家得灌溉春耕見舉趾
德及中外熙熙及邊鄙寒氈塵可濯清遊浴沂比扁舟溯
上流還去謁義士

送盧龍宰晏鹿菴歸黔

并序

貢士

徐麟生

盧龍人

晏侯黔中翹楚畿輔甘棠學貫天人綠挺郊林之
桂譽隆賢宰紅稠潘縣之花饒沉萊蕪之魚門庭
簡寂壘習中牟之雉民物熙和固已卑耳溪邊人

安耕鑿肥如國內戶有_二祀歌然而捧檄為歡不啻
廬江之毛義迴車知警深惟蜀道之王陽得遺君
羨反悲風木公則勉為孝子民曰奪我神君懷杜
母以五年黎庶那堪卧轍冀寇君於茲日麟輩聊

頌口碑

盛朝咨有道昭代見真儒經術魁多士文章辟萬夫鄉闈
誇入殼盧邑幸分符撫字恩淪髓催科痛切膚直教歌五
袴已免歎無襦庭際開生草鞭來或示蒲中牟看集雉葉
縣好飛鳧忽訝神君去因悲太母徂手中驚有鳳枝上遇

啼鳥借寇情如縷攀轅淚似珠宦歸堪載土客滯類窮途
奚啻朋皆散還兼鶴亦無一錢臨去擲二水與清俱自荷
屏書異竚膺牘薦殊栢梧看擢用霖雨被寰區青史芳名
永循聲達

帝都

永平府志卷之二十三終

永平府志卷之二十四

萊陽宋 琬撰次 府學訓導徐 香叅訂

蕭山張朝琮續纂 盧龍教諭胡仁濟校輯

雜志

子所不語者怪力亂神而世之為書者往往搜宣室
之譚續齊諧之志以侈贖而炫竒吁亦惑矣六合之
外存而不論冥昭闇誰能極之夫子嘗與宰我言
鬼神必依乎類而大易廣八卦皆本乎情夫然則俞
兒之篇異獸之記浮棺之述吾猶病其詭而不經也

覽僻說于稗官采多聞于副墨固不若考經斷史者
之有益矣茲所取皆先民之辭凡無稽者不錄焉

桓公北伐孤竹未至卑耳之谿十里闌然止瞠然視援弓
將射引而未敢發也謂左右曰見是前人乎左右對曰不
見也公曰事其不濟乎寡人大惑寡人見人長尺而人物
具焉冠右祛衣走馬前疾事其不濟乎寡人大惑豈有人
若此者乎管仲對曰臣聞登山之神有俞兒者長尺而人
物具焉霸王之君興而登山神見且走馬前疾道也祛衣
示前有水也右祛衣示從右方涉也至卑耳之谿有贊之

者曰從左方涉其深及冠從右方涉其深至膝若右涉其
大濟桓公立拜管仲於馬前曰仲父之聖至若此寡人之
抵罪也久矣管仲對曰夷吾聞之聖人先知無形今已有
形而後知之臣非聖也善承教也

管子小問雜篇

漢哀帝卽位數月司隸校尉解光奏孝成趙皇后殺皇子
狀哀帝于是免后弟新成侯趙欽欽兄子成陽侯訢皆爲

庶人將家屬徙遼西郡

漢書外戚傳

王莽立三恪封夏后氏之後遼西妣豐爲章功侯

漢書王莽傳

三齊畧記曰始皇于海中作石橋海神爲之豎柱始皇求

爲相見神云我形醜莫圖我形當與帝相見乃入海四十里見海神左右莫動手工人潛以脚畫其狀神怒曰帝負約速去始皇轉馬還前脚猶立後脚隨崩僅得登岸盡者溺歿于海衆山之石皆傾注今猶岌岌東趣疑卽是也漢靈帝時遼西太子廉翻夢人謂已曰余孤竹君之子伯夷之弟遼海漂吾棺榔聞君仁善願見藏覆明日視之水上有浮棺矣嗤笑者皆無疾而歿於是改葬之晉書地道志曰遼西人見遼水有浮棺欲破之語曰我孤竹君也汝破我何爲因爲立祠焉

博物志曰魏武于馬上逢獅子使格之殺傷甚衆王乃統率常從健兒數百人擊之獅子哮呼奮越左右咸驚王忽見一物從林中出如狸超上王車輓上獅子將至此獸便跳上獅子頭上獅子卽伏不敢起於是遂殺之得獅子而還未至洛陽四十里洛陽雞狗皆無鳴吠者也

並水經注

唐裴旻嘗與幽州都督孫佺北伐爲奚所圍旻舞刀立馬上矢四集皆迎刃而斷奚大驚引去後以龍華軍使守北平北平多虎旻善射一日得虎三十一休山下有老父曰此彪也稍北有真虎使將軍遇之且敗旻不信怒罵趨之

有虎出叢薄中小而猛據地大吼旻馬辟易去弓矢皆墜
自是不復射

唐書

金完顏鼎壽爲河間尹有宗室居河間侵削居民鼎壽奏
徙其族于平州

金史

山川之經雖稍條之其名古今殊而多從俗爲便水經諸
書如難湍灤夸語相近而轉其亦以世益殊耳若灤之爲
瀘隋爲瀘河鎮本水經盧水合灤瀘河卽灤河若渝之爲
榆臨渝至爲臨間也或以爲洋河城則其音義非矣今朶
顏謂商都水者乃元之上都水耳皆音相近夸語通焉其

有名異而實同者箭筈嶺者奚四離保所據而金史爲盧
龍嶺如晉書密雲山則盧龍塞在此矣乃段遼之所奔而
魏書爲平岡山是遠盧龍不遠耳密雲爲郡縣自魏始名
同而山異志縣引之誤矣遠據乎遼西是之謂平岡今石
門碣石一帶其以雲名山多矣遠爲石虎所攻而避之東
徙耳今密雲未郡縣乃趙之薊北遠豈避此就擒况烏得
入而避哉此名雖彼此同事則今古別也

以下郭造卿
碣石叢譚

北魏書紇那三年爲石勒攻于陘北不利遷大寧以避之
在廣寧大北註爲大寧也五年奔于宇文部後二年石虎

綱翳槐于大寧紇那出居慕容部建國三十九年拓跋國
爲秦破大亂世子珪依舅賀訥訥時攝東部爲大人遷居
大寧行其恩信衆多歸之太宗永興五年七月破越勤倍
泥部落徙二萬餘家于大寧川神瑞二年五月丁亥上次
于參合東如大寧泰常元年閏十二月壬申幸大寧世祖
始光元年四月甲辰東巡如大寧書稱寧者三曰大寧曰
廣寧曰寧川廣寧漢上谷屬縣也上谷郡諸縣後多稱寧
爲寧故廣寧今隆慶州之永寧縣古蹟有小寧城在州城
西則大寧在東北可知未暇詳考姑存之

元許有壬圭塘集載喜逢口事今關名喜峰似失厥義矣
其與丁文苑同科爲哀辭曰文苑移官山北山北置大寧
右白霄地去京師東北尚八百里陸不可以挈家水縈紆
五千里扶病擁幼殆不能爲謀卽斯辭也豈舟可通乎按
史將由灤通漕于上都造船視爲不可而止矣今灤河之
漕尚有繫纜鐵樁或以爲繫浮梁或以爲繫行舟正德初
年漁人獲一鐵纜矛重三百餘斤則昔灤或深于今矣豈
亦以繫浮梁者哉元通漕艦或不可至上都豈其不容刀
以達于大寧乎若召閩中清流之舟水手今必可達小喜

峯而至大寧亦未可知也

方覽表譜列大寧故州縣者非專爲大寧存塞上事也今永平北境莫非大寧州縣余嘗游灤陽興教寺有元至順二年碑題頗及記云燕之東北路曰大寧惠州西南鄉分灤陽林河社界山之陽平泉之側麓野之間有古招提上下二區同名興教林巒秀異山水嘉奇川原寬博而資產豐饒境物繁興而雲游悉至四望東至大峪流水渠南至二郎坨西至三十二嶺西邊鷹愁澗北至大峪北白石頭向陽嶺界則凡林河社皆惠州地也今遷安肆林河社里有三其一在縣西百二十里東至太平寨營南至夾河社西至遵化縣北至喜峰口三屯營在內其二在縣西北百八十里東至太平寨社西至漢兒莊營南至三屯營北至喜峰口灤陽營在內其三在縣西北百六十里東至潘家口西至龍井關南至洪鴉寨北至三臺山漢兒莊在內皆惠州地若撫寧山海關及石門則瑞州等地固安洋河二社見之古寺碑記尤多且洪武初年始入山海志古蹟雖未詳而大畧可考倘盡采其碑記則亦如惠州矣且古山川名多具殘碣塞外尤多後之纂而好古當博采之有益

密雲志有鴉鵲安盧家安志者劉大夫云余時見安字以爲菴字或傳寫之誤乃後問易州高兵憲云土人謂安字爲高平處及考說文云止也益知非誤永平古蹟稱七安北安山南安山宜安村新安鎮樂安鎮遷安縣永安錄事司皆以山村鎮縣司爲名若五重者則安其名後乃以爲營其名本曰安耳且靜安之社不大乎宜安哉昔亦偶舉其七境內稱安多矣慕容朝多稱固在載記及北魏書蓋取義猶安爲其固守也後爲堦亦史文猶成之爲城保爲堡耳

郡境邊方營寨稱谷稱莊請命設官者李家谷提調漢兒莊遊擊也然谷有兩音南人呼穀切以古祿北人呼育切以余六此原有兩音故欲俗字並從谷而不妨兩音也其土人書加山爲峪而音義無異焉若莊無異音六達路爲康莊亦舍也從土監本從土誤南北音同但書有作庄或以爲俗書其實庄音平而爲別音別字矣

南北呼山川音義有同異北凡山頂曰梁故兵乘高瞭望曰架梁不必如論語山梁邢氏解亦非韓愈荅張籍詩註石絕水爲梁也梁涼同音而義不相通郡城小景偏涼爲

第一許莊賦序云遼乾統初年柳城張子記偏梁亭梁字異今者彼時水在榆南橫北舟楫留難故作偏梁偏橋以通絳路因以名亭至今四百三十餘年水不西去舊踪無存蓋因山勢危高水濤洶湧故作此亭以爲關隄保障一方起自宣德初年鎮守阮公與金姓居士斬石蓋寺始有石路可通肩輿及馬商賈荷任之屬天順庚辰都憲鄒鎮守韋因亭圯乃於極隄甃門置亭其上則譏察非常一則迎送來往余以意測之涼卽梁之訛偏梁卽偏山之義也山以半削爲偏此處如山梁而偏其下雖臨水此亭則石絕水矣遼前或爲偏梁今亭架門如梁但於梁無取因訛而生意耳

灤志別故河入菘豆灣許莊云別故俗傳別溝穀之訛也菘豆灣一爲綠頭灣謂泉內有綠頭物故云一爲龍鬪灣謂昔龍鬪於此俗謂菘豆多故從焉凡此類者不能枚舉若岐路南人書岔呼差爲其交錯或易差也岔爲塵塢亦作坩坩房吻切者唐書全集京師從軫韻也步悶切者相如賦全入會宮從震韻也北人書三岔乃三分岐路或取分土義可通也但音與咤同則從禡韻矣其以姓名莊名

社宜曰家多爲各州縣志皆然或謂原登黃籍如此今七
家嶺史爲七箇嶺則箇各穀近本轉音訛書而然此類今
末如之何矣

舊志撫寧縣東九十里有秦皇井其冽異常世傳始皇過
飲此與扶蘇泉類府志在府城北灤州志在州城西北十
五里以遠史爲信則灤州是矣孰知扶蘇乃狐蘇訛乎

邊塞士大夫尠習堪輿家故其山川原委順知而逆則否
永平來自口外都山凡水三岔則其過龍南而逆北單提
以結堪輿家言龍來自左無右亦可故左山右河相配而

成耳至灤而近海則形氣舒衍陳知州所稱不爲過矣許
莊云灤境山川雖多行龍止有三脉不見其所結穴砂不
見有正形水不見有正情烏得鍾靈賢俊以補朝廷不過
生長草木樹藝五穀少補程稅力役而已乃爲地方謙損
詞也凡志地理者多具山川名色不考究其原委如舊志
皆然莊則頗有條理詞未典雅何傷但其目欵多則原委
離矣若叙里社各具去州縣若干里舉其四至內分山林
川泥土壤肥瘠居齒利病及出產生業比隣爲等則然品
地力充重人事爲勤而薄可厚情而厚者薄也以告民牧

者或省耕歛或勸社學視而振作之及科分賦徭催徵錢穀勾攝詞訟緝捕盜賊緩急輕重酌量爲限期而上下皆通遠近良便矣社四十七屯二十六旣條具之大畧可知又于村疇凡六百八各具其名某社若干某屯若干雖若煩瑣實益政理但郡屬多者不能如所識若州縣式之乃治平之書也

舊志古蹟雙鴈坨成化乙卯灤州城南有李氏子弋獲雄鴈及春其鷗復來飛鳴如昔累日其家異之出雄于隙地伺之雌哀鳴而下周旋俯仰鼓翅招呼若與之偕飛雄竟不能去糾頸弗釋並歿之鄉人雲集而嘆瘞之于高坨名曰雙鴈坨處士朱梟有詩按金元好問赴府試行道中見一捕鴈者云捕得二鴈內一鴈歿一鴈脫網去空中上下盤旋哀鳴良久投地亦歿好問以金贖得二鴈瘞于汾水邊壘土爲丘因爲鴈丘詞梟偶同此意惜詞不足步之耳余聞遷安縣城北門券有雌雄紫燕巢之忽雄爲烏鵲擊歿其雌不尋配亦不食飛鳴數日歿嗟夫鴈不再配其性然也燕性喜淫而獨然尤所罕聞者若居唐燕子樓則爲

所感而然矣

元白湛淵續演雅十詩發揮其一灤人薪巨松童山八百
里世無奚超男惆悵度易水者取松煤於灤陽卽今上都
去上都二百里卽古松林千里其大十圍若人薪之將八
百里也蓋在松亭關外與境外地同關內有灤陽營及驛
而皆上都之委此詩則爲上都作云將入百里今爲胡守
中所伐又自隆慶來薊北修邊臺橋館萬後今千里古松
盡矣凡元臣咏灤江灤陽詩皆上都非此也當辨

明初法嚴禁不私親防不忽微于地方二條今視若緩實
切焉洪武三十年七月以郭駙馬使遼回私帶榛子三扛
沿途擅用驛夫遞送事覺令自備鈔貫給還後人工食仍
勅兵部于山海松亭等關古北旅順口懸掛榜文凡公差
人員不許稍帶松榛等物進口渡海違者一二斤三五兩
俱分屍號令所過官司縱容一體治罪時歐陽倫以私茶
于陝西賜處其嚴如此山海關禁今大弛矣此法所當申
明者永樂六年軍民子弟僮奴自削髮爲僧者并其父兄
送京師發五臺山做工畢日就北京爲民種田及盧龍牧
馬寺主僧擅容留者亦發北京爲民種田今京東犯者不

如京西多盧龍馬政既廢其自削髮則各屯社與寺院往來者賀之而以酒食相勞矣

明初洪武二年命郡縣立學三年開科八年立社學選國子分教北方十一年選武臣讀書國子監十四年頒五經四書于北方學校爲久陷于夸而廣同文治也至十五年正月丙戌命彙編華夸譯語上以前元素無文字號令但借高昌書制爲蒙古字以通天下言至是乃命翰林侍講火原潔與編修馬沙亦黑等以華言譯其語凡天文地理人事物類服食器用靡不具載復取元秘史紐切其字以諧其聲既成詔刊行之自是使臣往復朔漠皆能通達其語矣

洪武錄大寧有新城木榆等衛此非定名也其云灤陽口外富民寬河栢山會州新城大寧寺處宜置七驛今考灤陽驛五十里爲富民而寬河而栢山而會州而季莊而富谷皆六十里而七十里乃大寧都司今灤陽驛移于三屯則多四十里矣古城在喜峰或自口外移入也

憲章諸錄皆列開平東西八驛名今考元大都六十里至順義七十里至密雲六十里至石匣六十里至古北口而

出五十六里爲青松東北六十里爲興州中屯西五十里
爲古城六十里爲灰嶺五十里爲灤河又五十里爲黃厓
又六十里爲哈八又五十里爲沈河又四十里爲東涼五
十里爲開平大都至此七百五十里地高井深星大北去
慶州多古松號曰千里松林宣德五年徙衛于獨石棄地
三百里失龍岡灤河險而獨石非通塗原無驛也

洪武二十一年潁國公編軍金山歸附馬駒等編爲小旗
等軍達莫兒金山人也編後所軍在盧龍白佛莊住遂依
莊名起姓賜爲白成又同所有白卯海或本同莊同賜買
驢之賜吳成皆此類也買驢後封侯白卯海後爲副千戶
達莫兒爲百戶

舊志公孫塚在盧龍縣赤峰嶺及道南烽火山有公孫神
康墓漢末玄菟公孫度據平州傳子康豈其所塋歟是不
知漢魏平州在遼東襄平而此爲遼西郡度不得而有也
至康子淵爲司馬懿所征經孤竹度碣石以次于遼水彼
烏得而塋此蓋漢舊志從之且引康爲神康史傳康無二
名新志則有辨矣以爲公孫瓚殺劉虞而據幽州蓋本令
支人赤峯嶺烽火山漢皆令支地也或瓚之先後族屬而

瓚則焚易京子續亦殺于屠各未聞故吏爲收塋神康雖不知其故爲令支人明矣何必以援玄菟耶許莊云父老相傳城西有謝丞相墳孟宰相塚因無顯跡不敢強附則公孫之顯跡玄菟何如令支哉均之爲僭僞何舍近而之遠乎

遼金元國俗以遊獵爲樂且以習武事故遼史有游幸表余并金元作燕幸編于年月日紀之亦可因行期而知地里所在但多今口外如千里松林之類其在境內者如灤河石嶺諸區而灤志有長春廢淀在州西百二十里舊石城廢縣地卽今稻地集西舊有長春行宮廼遼蕭太后所建鑿渠通唐溪以游觀昔有月榭風亭蓮池柳岸今剝落飄零久矣又名大定淀金世宗時改名至今居民猶以宮上名云余考遼長春宮在南京之郊其有長春河則在遼水之川而此者乃金行宮也新州志編年遼幸者三金幸者四如果遼之宮則幸不惟三金改大淀爲長春非改長春爲大定也其幸三乎已哉

遼景宗乾亨二年三月如南京賞牡丹遂西幸聖宗統和五年三月癸亥朔幸長春宮賞花釣魚以牡丹徧賜近臣

歡宴畢日則牡丹在長春宮宮在南京矣七年二月乙卯
幸長春宮十二年三月壬申如長春宮觀牡丹十三年正
月庚午如長春宮十五年二月丙申朔如長春宮十七年

正月乙卯朔如長春宮其駐平地松林松亭山關外也太宗

天顯七年十二月丁巳十二年四月甲申會同八年七月
乙卯 景宗保寧三年八月辛卯六年七月庚申 聖宗
統和五年七月十五年八月丁酉十六年六月戊子二十
年八月二十九秋 開泰三年七月乙酉朔 太平四
年七月五年七月八年七月十年八
月 興宗重熙元年七月五年正月

金世宗大定十八年正月壬戌如春水二月丙寅朔次管

莊丙子次華港巳丑還宮丁未以春水詰石城縣令不稱

職石城春水者幸長春淀也二十年正月巳巳如春水丙

子幸石城縣行宮丁丑以玉田縣行宮地偏林為御林大

淀樂為長春淀而有長春宮其殿曰芳明二月丁未還都

二十一年正月甲子如春水戊子元妃李氏卒于長春宮

二十四年正月戊戌如長春宮春水二月壬申還都三月

壬寅如上京二十六年正月甲辰如長春宮春水二月癸

酉還都二十七年正月庚戌如長春宮春水二月乙亥還

都越二年主殂金之春水沿遼捺鉢蓋必地坦夷四方二

三十里木多榆柳時出校獵講武兼受南宋及諸國禮貢

國主牙帳以槍爲硬寨用毛繩連繫每槍下黑氊傘一以
芘衛士風雪槍外小氊帳一層每帳五人各執兵仗爲禁
圍南有省方殿北約二里曰壽寧殿皆木柱竹檁氊爲之
彩繪韜柱錦爲壁衣加緋繡額黃布繡龍爲地障窓榻皆
氊傳以黃油絹基高尺餘兩廂廊廡亦氊蓋無門戶省方
殿北有鹿皮帳帳次北有八方公用殿壽寧殿北有長春
帳衛以硬寨官用契丹兵四千人每日輪番千人祇直禁
圍外卓槍爲砦夜則拔槍移卓御寢帳周圍拒馬外設鋪
傳鈴宿衛春而捺鉢正月上旬起牙帳約六旬國主方至

天鷲未至設氊帳河上密掩其門鑿冰竅舉火魚盡湊之
卽垂綸竿失也水泮刻木爲舟長可八尺如梭曰梭船施
一槳以捕渡廣則方舟或二三焉水泮乃從鷹鵞捕鵞鴈
必擇鵞鵞聚處晨出暮歸從事弋獵其侍御衛士皆服黑
綠衣備連鎚鷹食噐刺鵞錐各一具于濼周相去各五七
步排立主冠巾衣時服繫玉束帶于上風望有鵞處舉旗
探騎馳報遠泊鳴鼓鵞驚稍騰水面左右圍騎舉幟麾之
五坊擊進海東青鵞拜授于主放之鵞擒鵞墜勢力不加
排立近者舉錐刺鵞急取腦飼鵞救鵞人例賞銀絹主得

頭鵝薦朝群臣各獻酒果舉樂更酬酢致賀語皆挿鵝毛于首以爲樂賜從人酒徧散其毛弋獵網釣春盡乃還世宗旣歿後主如春水改都南行宮爲建春又改遂城行宮爲光春而長春不書矣至宣宗南遷而都入于元焉按世宗賢主將幸金蓮川薛王掾梁襄上疏極諫其論燕都居庸古北松亭榆林等關東西千里山峻相連近在皇畿易于據守皇天本以限中外闢大金萬世基而設也太康畋于洛汭后羿拒河而失邦魏帝拜陵近郊司馬懿竊權而篡國隋煬海陵雖惡德貫盈人誰敢議止以離棄宮闕遠事巡征其禍遂速此皆可爲殷鑒也上爲罷行而竟常幸蓋繩祖武而從國俗爾長春則無諫者非若金蓮之遠耳元改燕京太極宮爲長春宮以居丘處機修道術其幸上下兩都而主未嘗東遊明之成祖以征伐至若宣宗以省方至若武宗以遊觀至正德十三年四月朔以大行梓宮將耐堊詣天壽山祭告六陵遂往黃花鎮密雲等處游獵五月末旬還京余居喜峰傳有父老手記四月二十七日乙未駕幸關過灤河見溪流沙迴遶意有寶物命中宮侍從取之得異珠不計及駕過土人往取並無之臨關命家

將六十員名護出口外西到濃津嶺止回宿驗馬廳九日
五月五日癸卯總兵馬永具筵太監張永佛寶等侍樂工
孫白毛供唱問頭上白不知下頭白否卽令屠戶闔之駕
遂起徃建昌灤州舊志十二日辰時駕自建昌至偏涼汀
打魚乘舟順風三里許至北釋院口手打捕竟日而還十
三日到大沂河佛住山下觀魚人遂號爲龍泊新志五月
東巡狩辛亥觀魚于偏涼汀駐蹕于灤城癸丑觀海于沂
河如舊志當書庚戌于偏涼汀辛亥沂河癸丑其望日也
然雖漫游而行在從便如遼金故無土木供帳之侈民不
至爲煩亂焉

薊鎮忠烈廟邊路多廢總理乃合祀于三屯以都督死者
孫贖未嘗爲立廟但一搏像于景忠山三忠祠後寢新廟成
昇入居中獨坐以副總兵而下旁列配之夫贖勅予祠一
死故也然死不論輕重迹其生平審其事勢而槩祀之曷
勸哉况行無可取罪不足贖乎明制待陣亡最隆必覈其
所死宜祠乃贈諡未嘗于喪師辱國者而槩予之祠也自
正統土木之難尙有區別是後邊臣諱敗多以捷聞不論
俘死逃死降死死則以陣亡聞其濫如江河勢不可挽矣

如近日苑宗儒死而亦予之祀也然死贈官則在國制贖
贈光祿大夫矣副總兵承勲叅將傾葵贈都督同知矣以
國制考之功臣忠臣廟制不以生前爵而以死後贈者爲
重其死也故都指揮使馮國用贈郢國公爲東序第一僉
都督耿再成泗國武莊公次之叅政胡大海贈越國武莊
公爲西序第一都督同知趙德勝梁國公次之此國初事
也及宸濠之變孫燧都御史許達副使俱贈禮部尙書並
列不以生前爵而重死後贈也今承勲傾葵所贈都督同
其魏祥王瑄陳乾皆叅將有常典大抵都督銜也死事在
贖前而贈官同則于制當尊于禮當順矣惟數君子猶然
在旁配享之列殊違典制不過但知生前事而不知死後
禮矣當別孰當孰否乃爲知禮知義祀座題主官銜地方
名姓填寫錯亂亦當爲之一釐

嘉靖甲寅灤州知州王維川刻本草權度于樂亭乃泐餘
姚黃孝子著輯也通州知州董漢儒刻之海陵樂亭又刻
之給事中厲汝進序之

三元通天照水經二卷不著作者名氏遵化牛東陽號了
義嘗游易水上受之異人旣歸爲人相宅百無一失諸名

公巨卿延致之無虛日其言休咎如指掌于是遷安黃崖
梅如玉不遠數百里扣之忻然出示嘉靖中如玉爲河內
尹遇邑人張九一命受其業抄藏笥中其訛謬字畫不敢
輒易而仍舊刻之凡二卷盧龍韓西玄詳之釐四卷

六甲軍機賦許莊刻于灤州志也莊纂志而自列傳爲府
同知張守撰稱莊經書外天文地理陰陽戰陣律呂醫卜
納甲星平象演莫不究極造妙然觀是賦可知蓋其言之
易矣

女伎馬氏蓬瀛昌黎人也東光貢士劉公直歷禮部主事

戶部郎中元季兵火宦游遇昌黎娶之蓬瀛幼聰慧隨父
讀書精通曆數天文洪武壬申差內臣陳二仔捧寶二百

錠四表裏召授尚官司宮正授冠佩縣歲給俸米六十石
戊寅差內臣穆和賜一女使送還寧家永樂卽位召二次

屢賜寶楮表裏官其子政爲本縣儒學訓導終身
凡志古不考史其年與傳多不合如裴騫仙人臺記太康

三年爲北平郡五車王所據則晉之太康非遼之太康也
時遼西爲段氏所據二年慕容涉歸寇昌黎平州刺史鮮

于安破之矣又爲安北將軍嚴詢敗歸慕容連敗段氏爲

平州屬國所服何以言據也蓋咸康三四五年遼爲石趙
攻而走保密雲山事也撫寧盧嶺峰有七王山亦稱遼王
者皆段遼事魏史盧龍嶺蓋與保密雲山連亘不遠耳令支
界崆嶲山有淮安王避難洞石上有大安五年字可辨歷
稱大安者秦苻丕元年慕容垂建元不稱之矣是年燕餘
巖以建節將軍叛爲慕容農所平且不卽亡無五年也惟
北魏大安四年則高宗至遼西黃山宮築壇記行或五年
有刻也遼道宗太康太安凡十年無事且未嘗東游也淮
安王不知誰其避難無考或僞亂僭稱耳

凡碑記題名于廟宇中嘉靖年間初尚古風文雖不足觀
而實則有足重如生員或儒士某撰或吏或民書而不假
官銜及代筆者實猶存也今則以官爲重百真一二矣竟
內乃有虛名之記虛文之碑爲嘆息焉而原其故以解衆
疑

景忠祠記嘉靖癸未兵備熊相撰稱祀四君子諸葛岳文
武寧也鎮守馬永所創未博像而調去代者曰西人至任
拜元君祠與元君隣因至祠像未成有木主問武侯何人
以亮告知之武穆何人以飛告知之至文文山及各告不

知矣問南人北人乎曰南人固我不知矣問何時曰前朝人至武寧王告者不敢名曰此今定國公祖也曰徐某有子孫奉祀不宜亦分三人食去之或以記四人告而不知何爲記者永歸金吾先告定國遺紀綱校尉董進香元君因謁祠觀像急矣乃畫像于辰壁爲將特祀抵之今壁剝落有遺迹蓋雖樵可鄙不爲佞可恕焉但徐身虛名馬若虛舉而能爲虛言皆本真而成假矣

忠義廟碑嘉靖丙申修撰屠應坡撰各路有之文同今太平碑尚存巡按金燦與同郡且座主命名各路以幣請文而且謝蓋千金以此名耳文不言某何以歿通言是廟隸某寨爲某帥立以祀官軍某等空其名令填之如太平路碑填是寨爲叅將周璿所守之廟祀官軍周明而下不知明某年何以歿璿乃時帥非歿者有路竟不填不知何以立蓋公則名報忠義私則實報恩義也

燕出長人東北古爲多矣如慕容皝七尺八寸垂七尺四寸德八尺二寸時逢陵長王鸞長九尺腰帶十圍貫甲跨馬不由磴德見而奇之賜食立盡一斛至元魏南明太守慕容叱身長一丈腰圍九尺矣則遼盧龍節度盧文進于

無定河見人腦骨一條大如柱長可七尺有之矣

明大漢將軍三屯營馬玉侍衛三朝語在母節婦徐氏傳
時有與同選口西人尤長尺餘凡選侍衛必兩相配是獨
舉班無對腹餘十圍重五六百斤爲天下第一以無對不
用訪玉家爲具餐十人至二十不得其一飽城中或十戶
二十戶合爲具不能供五日語總府留之以餉之難而去
至冬無能施之衣而凍餓歿于燕南矣是後大將軍有江
南客不滿三尺侈寵異常時屯城臺有僧軀如之客以類
已善視焉未嘗失溫飽乃追憐巨人之尊歿而不如侏儒
易爲生也嗟夫無論世間但燕前如安祿山其重三百五
十斤寵任至爲僞帝孟業至于千斤而爲幽州督矣是人
徒食粟必才無可用倘出與對者則不論才否玉爲錦衣
百戶而彼且指揮之耳故歷舉燕長人種姑以慕容家告
之若契丹阿保機其靴可納城臺僧沒頂至爲僞天帝傳
國二百餘載長人富貴者世豈少乎哉是人至餓歿非長
之罪也

舊志引二仙及縣志無傳昌黎仙臺山後有石洞古井張
果老院在焉石碾石槽遺跡尚存撫寧縣東十五里以氏

河爲其騎驢曾陷焉其飼驢石槽蹄跡宛然在府城五里
大石盤礴上低陷如之其墓在撫寧縣東南七十里韓湘
與果老栖仙臺山常對奕今有仙人奕石腳迹石盤文甚
古又觀音洞石壁上有韓仙真影世傳修仙辭鄉遺狀云
墓在昌黎城西南八里果老弗問矣邇者縣令刻藍關記
瑤華帝君韓若雲自撰云文公集其弟滂墓志銘支系甚
明其詩左遷至藍關示姪孫湘是記以公爲叔而父其伯
祖會會無子而有子湘有父而無父矣竟篇言呂洞賓七
度之成道及諸與游拾得葦未嘗與張果老游北至五臺
山未嘗言入燕也則昌黎縣之仙迹視斯記自辨矣

染莊社記契丹時遼興軍胤堯者行貨路收一卵于篋歸
置錦囊繫臍不月餘出蛇如簪飼之以肉每出篋之便飼
漸長盈丈圍將尺許堯雖傾篋居之而力不能任矣乃縱
之野任其自食嘗命以名曰于雅撫首示不忍別雅如人
戀戀然但不能言而去後數歲益大始食野禽繼而噬人
有司制之無策乃聞于契丹榜募能捕者堯知其必雅乃
應募而抵放處呼其名而至叙故舊而數其罪蛇俛首伏
誅其血流及近材土石悉染紅而莊以名莊老以堯能施

永平府志 卷之二十四
恩除害而祀之雅能知恩服罪而配焉是歲里人修祠落
之記其歲月金至寧元年仲秋辛卯興平路猛安蒲察孟
里記或以雅知罪伏辜爇憐而塋之而以昌黎古蹟城西
北三十里蛇皮王墓是雅之塋處也殊謬今李遇甫以記
示余余謂或人寓言也爇養患而除之尚不足以贖罪雅
肆害而誅焉可與其知過哉孟里之記謬矣遇甫則曰堯
雖失之始而能問罪以正厥終雅雖失之終而能悔過以
報其始視養虎而反噬不亦大有間乎且今莊人歲賽而
牢不可破矣請齊諧爲存之

石門子關天仙廟有神燈二盞正德年間盜去其一今更
深入百步外望有燈近前並不見之

嘉靖壬子路軍馬文章往玉王峪日未沒忽見白髮翁尾
之疑爲怪石擊之不見而見群雞數百遍山逐之皆入地
而山皆銀矣章以爲鉛錫携數片而去至峪投郭銀家辨
之銀以鉛錫給之因追所自出章具以實對銀遂密運數
夜閉戶煉爲錠家婢密持小錠與隣家婢曰吾家多多隣
知亦盜取之从而土人報路將撫按以上聞癸丑遣錦衣
衛千戶取年有半而撫按往臨公私取用益多民不勝困

恐為地方患因報絕產而罷遂塞之上立廟鎮壓至今毋敢盜

漢兒莊南山鑛洞奉禁矣而土人傳莊北有識云取一箭西一箭萬兩黃金沒人見有人見普救九州十八縣陳遊擊解云一箭者地百步外也東西常谷間南山一箭地人常言有寶氣乃以取煤為名役兵二百餘人鑿洞年餘黑石不成煤或告宜一祭取其餒犒兵再三告不忍予第務必得之而莊西南隔河里許盜鑛者露為三屯營守備魏文舉密獲十二馱又搜南覺寺盜首孫南華掘地得百餘斤以數十斤報官盜首前建昌胡總兵幕客嘗為領六寶峪鑛徒習矣乃荐之總理府不得意而領舊徒為此文舉貪鄙既羸而寶復益之南華書生乃為徒勞謫戍子密雲游擊亦徒勞人力因無以解人口罷官鉅萬人益疑之中路協守羈留之索鑛百斤乃出囊金五百奉之皆為此識誤也

遷安縣西十五里官寨莊北先銀杏二株可七八抱成化間莊民韋氏鋸其一以為奩具流汁似血鳴數夜乃止其家遂滅一存十數抱蔭蔽二畝餘七家嶺驛西南郭家莊

西有樹連抱乃銀杏也

慎侍御蒙云予將至永平有七家嶺驛一夕霧氣凝聚起視田野山川皆如霜霰著草木枝葉堅厚糾結比雪特重俗呼爲樹掛自豐潤至此凡兩見焉或曰樹掛必有其應不徒然也

仙臺山半絕壁間有龍潭洞潭在洞中去地九丈餘下臨絕壑洞中可容三百人舊有石梯欄杆共一百一級可以達洞級甚窄但容半足緣附而登不可轉視隆慶二年爲龍所毀雷霆風雨逼水齊山巨石如剝扒去中間數十級

壓覆巖下寺宇十餘間僧皆走避無傷者後移置寺于下數百步今之登者則以巨繩上繫洞門大樹援之而登然而得至者少矣

以下二條昌黎張莊臨記

龍潭下百步曰山心洞之下有巨石大如夏屋石底有穴可容百人石南面有字大如盃其文曰大定乙未歲北平牧高侯貳車王公同游衛者山明日登聖居巖已而窮幽絕勝嘯歌磅礴不減唐晉名流賓從請磨崖以記顧謂下客王密書之皆四月初吉也其西面有大字如斗曰獨立不懼

金明昌間樂邑有裴宗智善篆書貞祐末有張守謙善屬文皆見碑刻似有學者裴稱秀巖居士張號天倪老人略不見有名位殆逸民者流歟

洪武錄載旌表樂亭韓孝子而竟逸其名惜哉

樂亭縣治往有怪居者憚之成化間冢宰尹公聞其事會缺尹乃於辛丑進士中擇才望有福德者知縣事得沁水李瀚仍擇欽天監官善術者偕往及至監官視之曰是在譙樓時譙樓建置久矣撤之果得一巨蛇圍可尺許監官呪之設大罈于前蛇卽俛首入內日未可殲也乃密封令

人昇于海又壁間掘一女屍不知何時顏色如生出而瘞之怪遂息李任滿擢御史官至尙書壽幾九袞果符福德之相尹公信知人哉監官之術亦奇矣惜逸其名

張住石碑場人其先有積惡者及住父益不爲善住好左道舉家從之聚衆邪說有遊佛明果等嘗至其家誑以妖術住信之一日住令家屬咸飲藥跪于地手刃之以爲升天也計父母妻子及姊妹輩共十七人止一姪獲免時嘉靖甲子事聞當道立柱斃之

隆慶己巳海漁人捕一巨魚約十餘斤曰此骨鱗魚也是

時無歲不有邊警說者謂魚負鱗甲兵象也不常有者而捕之鯨鯢其頓息乎自此□不犯邊者十餘年萬曆癸巳漁人又捕一骨鱗長六尺餘約重六七十斤巨口尖尾皮類鯊魚狀類鮫鱗有骨鱗五行鱗如江田盃春如劍漁人曰此垂白之老所未覩者較之隆慶年所獲直小介耳張佃樂亭城西人素不孝視父母如仇罵詈無不至一日持鋏擊其父父趨避獲免後外出至王田兩家店日暮投館陰雲四合雷電厲甚佃亦恐同行四人避入舍佃藏于窾間忽黑雲如蓋若有神拉佃戶外劫事死同行及館人無一傷者時萬曆初年事也

崇禎壬申三月有大魚長九丈浮于縣南海濱氣蒸如霧三日而死近海居人乘舟桴取其骨肉煮油家數百斤旬日方盡其脊骨如棟其脇骨如椽至今猶有存者然不知其爲何魚也後又有一大魚復至其處土人爭取之魚揚鬣鼓鬣兩目如雙日噴沫如雨吐氣若雲翻波捲浪舟幾爲覆而已不知何往矣今近海之人猶有親睹而能詳之

者
張莊
臨記

順治丁酉灤州倭城民獲鴈色赤如硃雙目俱絳項繫金

牌有元狩年號驚以爲神異之

戊戌冬十二月六日午仙臺山右肩崩墜大石如巨屋千
仞而下凡所衝擊無論大小萬石齊落聲如轟雷砂土冲
霄損樹萬株至次年己亥三月六日自山半名吊砂口復
隕巨石如前損中庵屋垣入前層屋復自屋破窻而出蓋
其衝之小石也猶大于斗凡合抱之木當之者無不糜碎
墜石固山之常但連墜巨石則亦異矣

張莊
臨記

永平府志卷之二十四終

